

ЧЕЛЯДЬ ОЛӨМЫСЬ  
ВИСЬТЪЯС



ЫКШЫВКАР  
КОМИ ГОСИЗДАТ  
1941



Ка. 939

ЧЕЛЯДЬ ОЛЁМЫСЬ



ВИСЬТЪЯС

Обязательный  
контрольный экземпляр


СБОРНИК



сыктывкар  
кеми государственной из-во  
1941

## СОДЕРЖАНИЕ

Няркеркаын (коми важ олӧмысь)— <i>Як. Рочев</i> . . . . .	3
Ваня доброволец— <i>Мих. Мальцев</i> . . . . .	16
Политруклӧн отсасысь— <i>М. Шестаков</i> . . . . .	35
Куим поколение („Трактористка Вася“ повестьысь глава)— <i>Г. Федоров</i> . . . . .	46
Звонок водзвылын— <i>Г. Федоров</i> . . . . .	55
Учитель— <i>В. Юхнин</i> . . . . .	60
Вадорын— <i>И. Коданев</i> . . . . .	65



### РАССКАЗЫ ИЗ ЖИЗНИ ДЕТЕЙ

на коми языке

для среднего возраста

Обложка, титул и рисунки худ. М. Безносова.

Редактор *Г. Федоров*.

Ц 2453. Подписано к печати 10/VII-41 г. Тираж 2000 экз.  
425 печ. листа, 2,6 авт. листов (3 уч. изд. листа). Заказ типогр. № 1633.  
Цена книги 2 руб. 65 коп.

Коми республиканская типография, гор. Сыктывгар, Дом печати.

## НЯРКЕРКАЫН

*(Коми важ олӧмысь).*

Няркеркаын уджалысьяслӧн вӧлі пӧлучка. Пӧлучка бӧрын, кызди и век, колӧ вӧлі тэчсьӧмӧн пируйтыштын. Мукӧд лунсяс дорысь уджалӧмсӧ помалісны тӧкӧтьӧ водзджык. Воль гӧн бритысь мастер—кок пӧла Ипатей дядь—сушилкаын воль вуштысь Дӧва пи Ёгорлы воль британ вежӧссянь кыз гӧлӧсӧн горӧдіс:

— Егор! Действуйт. Челядьсӧ, гортаныс мунтӧдз, кабакад мӧдӧдлы.

Ёгор кытшовтіс няркеркаын уджалысь став верстыӧ нярвӧчысьяс дінті, чукӧртіс сьӧм, лыддис кымын кубок вылӧ тырмас да сетіс Генялы.

— На, Геня. Дунякӧд котӧртлӧ... Сӧмын, смотри, деньгасӧ эн вошты. Тэ, Дуня, пельӧссьыс босьтлы тыртӧм зӧбнясӧ, сэтчӧ тэчаннӧд, вайнысӧ лӧсьыджык.

Вӧсныдык кузь тушаа, ар дас куима, гӧглярсьӧм еджыд юрсиа Геня сулаліс Ёгор водзладорын да мудз вӧснаыс жугыльмыштӧм лӧз синьяснас видзӧдіс сы вылӧ. Мича гӧгрӧс чужӧмыс вӧлі сьӧдасьыштӧма няйтнас да буснас. Сыкӧд орччӧн сулаліс сы ыджда кымын жӧ нывка.

Ёгор ордысь сьомсö босьтöм бöрын найö мөдöд-  
чисны нин öдзöслань да дасьöсь вöлины пырысь-пыр  
гöнитны, но Ёгор выльысь шыасис:

— Энлö... öти здук нөрöвитыштлö.

Челядь öдзöс дiнын сувтовкерисны. Найö виччы-  
сисны содтöд нöшта мыйкö тшöктöм, а Ёгор шыасис  
бритчан вежöсын руксöмөн кызысь дзор паськыд то-  
шá старик дiнö:

— Мыйкö нö, Ипатей дядь, сёянторсö ваясны жö?

— Дзик нинöмнад, дерт, абу жö лöсьыд,—гөлöссö  
весалигыр вочавидзис мöдыс.

— Сидзкö,—Геняяслань юрсö бергöдöмөн шуис  
Ёгор,—коляс сьöмтор вылас лавкаысь кын яй ньö-  
банныд.

Кос жарөн пöдтысь сушилкаысь челядь петисны  
кöдзыд вежöсö. Чужöмьяс вывтiныс визлалiс пöсьныс.  
Кöдзыд ывлалөн сынöдыс сотыштiс налысь том вирь-  
яйсö. Колис öти здук, и найö кыкнанныс вöйисны  
рыгтя руд пемыдас.

Кабакö ветлысьяс регыд и бөр бергöдчисны. Геня,  
сушилкаö пырöмкöд тшöтш, пызан вылö пуктiс ыджыд  
көр лöпатка, а ачыс Дуня бöрся надзöникөн пырис  
кötöдчан вежöсö. Сэни найö орччөн пуксисны шоныд  
ва тыра öчаг<sup>1</sup> дiнö да, мыйсюрö йылысь вомгор-  
уланыс сёрнитiг, лыддисны ассьыныс первойя пöлуч-  
канысö. Налы талун вöли нимкодь. Кötь и тöлысь  
саяс уджалöмысь Дунялы сетисны ставсö сöмын сё  
сизимдас вит ур, радлуныслы эз тыдав помыс. Синъ-  
ясыс ворсiсны долыдлунөн. Морös пытшкас ловшыыс  
ветлöдлiс ёна кокныдджыка. Пöдрядчик-мастер кийсь  
босьтöм бöрын грöшьяссö весиг здук кежлö на эз  
лэдзлы кырымсьыс. Вежöрас öти мөвп—кытчö инавны  
ассьыс дона нажötкасö? Кийн новлöдлыны сiйöс век  
он вермы, а кытчöкö пуктан, да көпейкаясыд вермас-

---

<sup>1</sup> Öчаг—тшан, ыджыд посуда, көни көтöдöвы көр вольяссö.

ны гылавны, вошласьны. Дыр думайтис, кытчö пуктыны. Кöсийс суйны морöс питшöгас, видлалис, абу-ö кыткö розя дөмасöсь дөрөм морöсыс, думнас корсьысис кутшöмкö гартөдтор. Гартөдтор вылас нинөм эсюр, а сарапан кырöдыс вöли личыд; грöшъясыс яй бердтыс вермасны төдлытөг вочасөн гылавны муö. И Дуня пөрччис юрсьыс ситеч чышъянсö. Чышъян помö уна пөвсөн гартис асьыс нажөтка сьöмсö да, мед оз вош, куйм гөрөдөн топыда сэтчö кöрталис. Кöсийö эськö вöли котөртлыны гортас, но кык верст саяд буракö уджалігкостыд он котөрт. Лоис виччысьны рытын удж вылысь мездмөмсö.

Онi, шоньд ва тыра öчаг дiнö пуксьöм бöрын, Дуня тшöктис Генялы кутны сартаса би, а ачыс гөрөдсö разис да кыкпөв лыддис, судзьсö-ö сылөн сьöмыс. Лыддыссьöм бöрын долыдпырысь бергөдчис Генялань да, мелі синъясөн сы вылө видзөдiг, шуалис:

— Муна да сета мамöлы!.. А сылөн нимкодьясьöмыс!.. Мамöлы тшöкта мыйкö ньöбны.

— А мый эськö тшöктан ньöбны?

— Мый? Мыйкö öд, камаш ли, кашемер чышъян ли... А тэ мый ньöбан?

— Ме? Ме,—мыйкö кöсийс шуны Геня да джөмдiс, а сэсся недыр кежлö чөв ланьтлөм бöрын джын гөлөсөн содтис:—Ме сета бабöлы.

— Бабыд гортад?

— Абу гортын. Удита кö, аски сы дiнö котөртла.

Та бöрын öчаг дiнын пукалысьяс некымын здук кежлö чөв ланьтлісны. Көтөдчан вежөсын тайö здукъясö мөдліс ыджыдавны кулөм чөв, да коркө-некоркө сійөс дзугисны Дуняөн жö шуөм кывъясыс:

— Гортад тэ талун он мун?

— Гортö?—юалис Геня да мөвпыштөмөн вочавидзис:—Ог. Гортным мияи көдзид: сэни некод абу.

— Бара тані узян?

— Тані.

— А ме муна,—Геня морөсө ичөт ёсь пельпомнас инмөдчыштлөмөн пукаланинысь кыпөдчис Дуня.—Ма-мөлы тшөкта асывнас пальөдны водз. Ті узянныд на, а ме нин лоа тани.

— Мунан нин?

— Котөрта. Сьөмсө колө мамөлы нуны.

Дуня бөрся тшөтш чеччис и Геня да асьыс уджалан ёртсө колльөдіс улич вылөдз.

Небесаас өти-мөдлаын тіралісны югыд кодзувъяс. Асыввылын, ылі вөр юр вылас, өшаліс вөсньыдик чарла кодь, му эжсө югдөдны вынтөм на бледіник том төлысь. Войвывсянь пөлыштлывліс яйө пырана лэчыд чизыр төв.

Дуня котөртіс сикт кузя катыд. Налөн рыныш кодь юртөм важ керканыс сулаліс дзик нин сикт помас, верст кык сайын, но тайө кузь туйыс сылы талун кажитчис дженьыдджыкөн. Кыдз нө он нимкодясь? Найө олісны мамыскөд кыкөн. Мамыс некымын во нин висьө одушиеөн да некутшөм прамөй уджъяс вылө оз петавлыв. Олөны тшыг нисьө пөт. Бать-нажөвитысь абу: сиктын Дуняөс төдөны чуркаөн; челядь, көть кысь оз аддзыны, нылкаөс век нимтөны: „Чурка, чурка, пес чурка!“ И тайө „чурка-ыс“ мамыслы талун вайө медводдза нажөтка!..

Геня недыр сулалыштіс улич вылын. Шоньдінсяныс куш дөрөм кежсьыс петөм бөрын сійөс мөдіс босьтны йирмөг, да тэрмасьөмөн пырис сушилкаө. Сэні пызан гөгөр пуксялөмөн, няркеркаса уджалысьяс варовитігмоз айбарчасьөны<sup>1</sup>.

Геня надзөникөн йөз мышку сайті муніс нарлань. Сэні пач дінө вольсаліс мамыслысь оръясьөм няр малічасө да стенланьө юрөн водіс. Куйлө. Лунся удж йылысь серпасъяс өти бөрся мөд бергөдчөны вежөрас. Кузь уджалан лун чөж кусавлытөг ломтысьысь

<sup>1</sup> Айбарчасьөны—кын яй шөралөны да сөйөны.

пачсянь пöлясьö пöсь ру. Мудз ки-кокыс, кажитчö, шоныдінö веськалём бöрын надзöникöн заводитöны небзыны. Кывзысьö йöз сёрниö. Куйлö, синъясыс вочасөн лазнитчöны. Думъясыс нин ёрта-ёрт дінсьыс заводитöны калькавны: тыдалö, шоньд морöс дінас пондiс топöдны мелi бабушка чöскыд унмыс.

— Геня, лок айбарчась,—кыз гөлөсөн чукöстiс Ипатея дядь.

Геня дрöгнитыштiс да синъяссö востiс. Унмыс торксис, но нинöм эз шу; воддзамоз куйланаöн кольчис.

— Геня, чеччы, айбарчась да котöртлы ми ордö; вай менсьым гудöксö,—Геня динö шыасис Ёгор.

Геня чеччис, кокъясас суйис дöмасöсь тюнияссö, юрлөс увсьыс корсис шапкасö да мөдöдчис ывлаö.

— Öтпөлөсөн эн мун; ывлаыс кöдзыд,—пуртсö пызан вылö пуктiс да чеччис Ёгор.—Налы пасьтавлы менсьым пиджакöс.

— Сёйöмсьыс мортсö ыстанныд,—пукалысьяс пысь кодкö шыасис öти.

— Айбарчась да вöлись ветлан,—шуис Ипатея дядь.

— Оз ков, Ёгор,—пиджаклысь кузь сосьяссö вылö пуджигтыр надзöникöн шуис Геня.

— Но, сiдзкö, воан да сёян. Котöртлы...

Геня петiс ывлаö. Кöдзыдсьыс дзёбсьöм могысь лэптiс пиджак воротниксö, шапкасö лэдзис пель вылас, кияссö воча суйис сосьясас, петiс миртуй вылö да тэрмасьöмөн мөдöдчис катыд. Шор пос помö вöтöдз сылы паньд сюрисны Ардеев да Невольский.

— Но, Геня тай кытчöкö мөдöма,—чужöм весьтöдз копыртчöмөн Геня синъясö видзöдiг, шуис Ардеев.—Кытчö нö мөдiн?

— Дöва пи Ёгор гортас гудöкла ыстiс.

— Кысянь?

— Няркеркасянь.

— Кодъяскö унаöн сэни?

— Став мужичо́й уджалысьясис.

Геня мо́ддчис нин водзо́ мунны, но Ардеев бара на шыасис:

— Приёмщикыд, дяк Симоныс, сэни жо́?

— Абу.

— А по́драдчикныс?

— Рытнас сийо́ эз во́лы.

— Но, мун, кото́ртлы... Кынман; ывлаыс ко́дзыд.

Гудо́кла Геня ветліс дыркодь. Ёгорьяслон горганыс узо́ны нин. Посводзо́ пыран о́дзо́сыс игана. Кузя лои гольо́дчыны. Оз кывны. Челядь унмовсьо́мны чорыда. Мамныс мо́д во́лостьо́ кутшо́мко́ ро́дильница ордё муно́ма пывсьо́дчыны. Геня гольо́дчо́, кынмо́мысла быдо́н пиньясыс воча трачкакыло́ны, мышку кузяыс, кажитчо́, гыжнаныс гыжо́дчигтыр котрало́ны шыръяс.

„Ставныс ко́ куло́мао́сь-а“, мо́впыштіс Геня да но́шта на чорыджыка мо́діс о́дзо́со́ зымо́дны коклябо́рнас. Корко́ и, кыло́, кодко́ мо́діс во́рошитчыны: по́лать подло́сын кылыштіс гиргысьо́м шы, сэсся посводзо́ петіс да о́дзо́ссё восьтіс Ёгорло́н ичо́т чойыс...

Гудо́к босьто́м бо́рын Геня бо́р берго́дчис. Няркуркасянь се́рни шыяс кылісны ывлао́дзыс. Мирту́й вывсянь кежигон на Геня кыліс Ёгорлысь да но́шта кымынко́ мортлысь паськыд вомтыро́н азыма серало́мсо́.

Кынмо́мысла го́рд нырвома, ко́дзыд руыско́д о́тлаын сушилкао́ пырис гудо́к но́пя Геня. Егор сийо́с кватитіс сойбордо́дыс да мо́діс по́рччо́дны:

— Молодеч, менам Геня. Сийо́ оз матайтчы! Лок пуксы да сёй, лок!.. Тэныд некодысь повны. Ачыд ыджыдыс, ю!—мо́діс юктавны. Геня, кызд вермис, о́тбивайтчис, но кодзышто́м Ёгор водзын о́тбивайтчыны эз вермы—Геняо́с сийо́ о́ти кинас топыда жамис<sup>1</sup>

<sup>1</sup> Ж а м и с—жмятіс, клешио́н моз топо́діс.

юрёдыс, а мёд кинас кружкаысь винасö кисьтіс во-  
мас. Детинка кызмырдён мынтöдчис Ёгор киысь да  
котöртіс нар вылö.

Сылön эз узьсы. Сійö воддзамоз куйліс нар вы-  
лын да, кыззи и став мукöдъясыс, кывзіс Ардеевлысь  
гөгөрвоана мелі сёрнисö. Сійö Генялы öні кажитчис  
вöвлытöм вынаөн, ёнөн, некодысь повтöмөн. Синъя-  
сас сылön Генялы тыдовтчивлісны сöдз дзирдъясөн  
дзировтывлысь мича югыд кодзувъяс.

Мунісны нин найö коркö войшөр гөгöрын. Нар-  
вöчысыя пиысь некымынөн Ардеевкөд тшöтш муніс-  
ны гортаныс, мукöдыс кытчö веськалö унмовсисны, а  
Геня век на гатшөн куйліс да синъяссö лапнитыв-  
тöг видзöдіс сушилка пытшкөссö чукиён тыртысь са  
кодь съод пемыдас.

\* \* \*

Асывнас удж вылö Дуня локтіс водз. Сикт кузя  
сылön котöртігөн ылі вөр юр вылын асья кыалөн оз  
на вöлі тöдчы весиг и вуджöрыс. Мир туй пöлөн ла-  
жыньтчöм керкаясын узисны чöскыд унмөн. Сöмын и  
кылыштліс кагалөн „уа, уа“ бöрдöм шы. Кык-куим  
трубаысь вöсньыдик сюръяөн енэжлань мөдöдчисны  
кайны первойя тшыньяс. Гөгөр лөнъ. Кузь войбыд  
увтчысь понъяс и найö, тыдалö, унмовсьöмаöсь: оз  
чуксасыны.

Геня чечытöдз на Дуня, öтар-мөдар киö ыджыд  
ведраяс босьтöмөн, наөн клёнöдчиг, мөдöдчис вала.

Дуня бöрын недыр мысти воалісны и мукöдъяс,  
кодъяс съод войшөрнас мөдöдчылісны гортъясаныс.  
Сёрмөдчыны некод эз лысьт. Найö ставныс тöдöны—  
Кузьмалөн дөвереннойыс локтас уджалысьясöс кы-  
тшовтны.

Пачьяс ломталысь нывбаба грымкылö пачвомдорö  
чөвтис мөздортыр пес.

Ипатей дядь, пельпом вылас дөмасось оръясьом пальто шой чөвтөма, ыджыд лёк гынъюръяса, пырис ывлаысь, пуксис пызан помө, очсовтис, өзтис ыджыд каллян да мөдис чуксавны Егорос. Егор ымзигтыр бергөдчис мөдар бок вылас да, тыдалө, прамөясө эз и садьмыв; здук-мөд мысти сэтшөма жө мөдис чушкыны-узыны. Ковмис кокъясөдыс дергайтөмөн садьмөдны.

Егорос садьмөдөмсө Геня унпыр моз кывлис. Буретш вөлі заводитө мыйкө вөтасыны мам йывсьыс да зилис көть өти здук кежлө унмовськөдчывны бөр, гашкө сийө вөтыс водзө мөдас мунны. Сөмын и уди-тис бок вылысь кымыньон бергөдчыштны—бара джуджыд ва пиө вөйигмоз торъялис сушилка пытшкөс-са унзиль олөмысь. Синводзас вочасөн пондिसны во-авны уна серпасъяс; веськалис сийө кытчөкө зэв уна йөз пиө. Йөз гыс сийөс жамис өти местаө, ки-кокыс лөтаммис; зильө петны, но некыти оз вермы вөрзөдны. Сэсся друг йөз кытш сайсьыс кыськө, кымынкө воськов ылнаысь сылы синмас уси мамыс. Сийө, дзык ловъядырсяс кодь мелі гырысь синъяса, видзөдө аслас пи вылө, сойбордсө паськөдөмөн пискөдчө пиыс динө, но, кыдзи и Геня, оз вермы вөрзөдчыны водзө ни бөрө да сөмын тиралөны паръясыс, а ачыс вомгорулас вашкөдө кывъяс:

„Геня... пиук... муса пи, локыв кутыштла, локыв окышта...“ Та бөрын йөз кытшыс орис, мамыс уськөдчис сы динө да дзык нин чужөм динас шөпкөдис:

„Геня, муса пи...“

Геня дрөгнитис, садьмис и садьмөм бөрас нин кылис:

— Чеччы!

Тешкодь вөт. Вөлөмкө, сы водзладорын, нар бокын, сулалө Ипатей дядь да детинка юр весьтын, сийөс садьмөдөм могысь, мелі гөлөсөн шуалө:

— Геня, муса пи, чеччы!


Геня мырдысьён восьтіс синьяссё да, мам пыддиыс ас дінсьыс Ипатей дядьлысь мыгёрсё аддзём бёрын, сьёлёмсьыс кыліс кутшёмкё аслыспёлёс доймём. Дум вылас усис коркё ичёт дырйиыс мамыслён небыд морёс дінас кутлывлёмыс, ыджыд шог суём бёрын ёткымын асывьясё лелькуйтігтырйи жалитёмпырысь садьмёдлывлёмьясыс.

Синьяссё гудйигтырйи Геня чеччис вольпасьтём чорыд нар вылысь. Ки-кокыс мудзёмысла вёліны пу кодьёсь, доймёны. Сушилкаас ыджыдаліс синтё сёйысь курыд, горшё сатшкысьысь известка дук. Косьтысян сёръяс вылысь заводитёмаёсь нин вёлі лэдзавны вой кежлё быгёдни ёшлём нельзьёдём кёр куяссё.

Вит час асылё ставныс нин вёліны асланыс уджалан местаясын. Кодьяскё сёр вылысь лэдзалисны кёр куяс; кодьяскё пуксисны воль гён бритны; кодьяскё дубитчан щанысь перьялісны дубитём могысь дас лун нин сәні кётёдём куяссё да заводитісны вуштыны; а Мартин дядь мыйкё ноксис мялка дорын, мялкаё тэчис первойсё гырысь вольяс, а сәсся на вылё посныд теля вольяс. Ставныслы вичмис кутшёмкё да кутшёмкё удж; некод весь эз овны.

Мялка лёсьёдігкості Генялыг тшөктісны шанё ваявны ва, сы бёрын заводитны кётёдны воль, а кор мялкаыс лоас дась,—коногонавны.

Асывбыд Геня, Дунякёд тшөтш, шаньясё да бөчкаясё пыртліс ва гашкё сё воськов сайысь. Медбёрын мудзёмысла сойясыс быдён лёталісны. Та бёрын заводитіс воль кётёдны; джодж шөрё паськёдас өтикёс, киськалас ваён, сы вылысё вевсьён пуктас мөдөс, сәсся сідзи жё вөчас мөд пара да вевсялас первойя паракөд... Тадзи вевсьён тэчас дас волльөдз и быд воль пуктігөн кык воль костсё ваён кётёдас...



— Но, босьт, Рыжко, босьт!—вӱсньыдик гӱлӱсӱн  
горзис Геня.

Мялка гӱтӱвитӱм бӱрын Геня ветлис конюшняӱ да  
пӱрысь Рыжкосӱ вайӱдис няркеркаӱ, мялка динӱ. Ар-  
сень дядь кызигтырйи вӱвсӱ прӱтяг йылӱ прягитис.

Заводитчис мялка бергӱдлан удж.

— Но, но, Рыжко! Но, босьт, Рыжко, бо-осьт!—  
домповодӱд Рыжкоӱс водзӱ нуӱдны зилиг, вӱсньыдик  
гӱлӱсӱн ӱтарӱ горзис Геня.

Вӱв ружтигтырйи ӱдӱбтывлис, некымын пӱрйӱ зӱ-  
лӱдлис прӱтягсӱ да вын судзсытӱмысла бӱрынтьчӱ-  
мӱн бӱр личӱдлывлис.

— Но, но, Рыжко! Но, босьт, Рыжко, бо-осьт!—  
воддзамоз домповодӱд тракйис да горзис Геня.

— Но, стерво! Ме тӱнӱ!..—мялка динсянь вӱв вы-  
лӱ грӱзитчис Арсень дядь.

Кык сӱысь унджык кӱр куӱн польдӱм мялка мӱдис  
вӱрны, дышпырысь дзуртны. Ружтигтырйи водзлань ку-

расьысь Рыжко вочис первойя куим круг, воис сійо жё пельёсö, кысянь и вөрзьөдчис, да коногонлысь<sup>1</sup> „тпру“ кылөм бöрын сувтис.

— Воротись!—домповодöд бөрлань дернитыштиг, Рыжколы горөдис Геня да, медым бергөдчигас вөв оз дойд, төкөтёо вешйыштис стен бердлань. А „воротись“ кывйис пöрысь Рыжколы тöдса. Тайö мялка динас сійо талун не первойяысь. Мукөдсикас уджъяс нэмнас некор прамöясö эз тöдлы. Быд лун прöтяг йылын öти и сійо жё мялка бергөдлөм. Кузь лун чөжөн сылөн сөмын вөвлывли öтарö куим круг вөчөм бöрын „тпру“, „воротись!“ да мөдарö кык круг вөчөм бöрын „тпру“, „воротись!..“

— Воротись!—горөдис нюжмасьысь Рыжколы Геня. Рыжко, места вылын öдöбтөмөн, сувтис бөр-кокъяс вылас да сідзикөн бергөдчис мөдарö юрөн.

Польдөм мялка дзуртис да рутшкакылис. Вөв некымын пöрйö сувтлөмөн курасис, вөчис мөдарö кык круг да „тпру“ кылөм бöрын бара жё сійо пельёсö сувтис.

— Воротись!—бара кылис Генялөн пель чунөдана ёсь гөлөсыс.

И тадзи кузь лунбыд.

Рытладорыс Геня дзикөдз нин жуялис, кок йылас прамöясö эз мөд öшйыны. Окота лои неуна шойчыштны. Да и вöлыс вывтi жё нин ёна пöсялис, мездис, быд ступ вөчөм бöрын мөдiс сувтны. Тайö нöшта нин ёна детинкаöс жугөдiс. Геня думыштис неуна шойчыштны. Мунiс пельёсö ва тыра бöчкаяс дiнö да плака пом вылө нёровтчөмөн мөдiс шойччыны. Рыжко локтiс тöдса пельёсöдз, сувтис да, нырбордъяссö паськыда паськөдлiг, мөдiс тшöкыда лолавны. Геня сiйöс öнi эз вөтлы. Мөдiсны шойччыны. Генялы синводзас сувтис вөтөн аддзылөм серпасыс да мөдiс сы

<sup>1</sup> К о н о г о н—замшевой заводын мялка бергөдланiнын вөв вөтлысь.

йылысь мөвпавны. Думъясö вöйтчöмөн пукалігас эз и тöдлы, кыдзи сьлөн синъясыс лазнитчисны, а сәсся и дзикöдз пöдласисны. Детинка унмовсис да мөдіс узыны чöскыд унмөн.

И буретш тайö кадö пырис дөвереннöйлөн отсасысь дяк Симон. Көинлөн кодь синъясыс сьлөн скөрмөмысла гудыртчисны, пестер сера чужöмыс польдіс вирнас. Симон локтіс узысь детинка дінö, читкыра русöй кузь юрсисö чабыртіс став кырымтырнас да дернитіс:

— Ок, дыш пон! Тэ тадзи уджалан?!

Геня сөмын и удитіс чилöстны.

— Ме тәнсьыд кучиктö куля!—лөкысь тьявöстіс Симон да тракнитöмөн йöткиштіс джоджö.

Генялөн синсьыс быдөн кутіс би киссьыны, но дзик пыр жö чеччис да нинём думайттöг пельпомнас мыйвынсьыс зургис Симонлы морöспань улас, и сійö, татшөмторсö виччысьтöг, кык кусыньөн пырис ва тыра известкаöсь ыджыд бöчкаö да ортсын сөмын и чурвидзисны юрыс да кокъясыс.

Геня котöртіс мукöд уджалысьяс дінö, повзьöмысла шöйöвошöма, нинём эз куж шуны.

Некымын здук мысти Симон сәті прöйдитіс нельзöм шырпи кодь, дзоньнас кöтасьöма, няйт, скöрысла потны кöсйö, но киөн вөрзьöдны Геняöс мукöд уджалысьяс дырйи эз лысьт, сөмын горөдіс:—Убирайтчы тась, дыш пон! Талун жö мед дукуд эз вöv!

Симон мунём бöрын няр вöчысьяс Генялысь юасисны, мый лои. Сійö тырстöча висьталіс ставсö, кыдзи вöлі делöыс. Найö сералісны, ошкисны Геняöс Симонлы водзöс мынтöмысь, но удж вылö детинкаöс кольöдны некутшөм надея эз вöv: тайöс вöчны удж кузя ёртъясыс вöліны вынтөмөсь, и та вöсна на пысь быдөнлөн сьөлөм вылас кыліс аслысьяма дой.

Ывла рөмдігөн нин Геня, кламторсö киняулас босьтөмөн, няркеркакысь петіс ывлаö да керка пельöсын

паныдасис ва тыра ведраясөн локтысь Дунякөд. Ду-  
няөс аддзём бёрын сійö, синъяссö муö веськөдөмөн,  
сувтис.

Дуня ва тыра ведраяссö пуктис туй вылö да жа-  
литана синъясөн мөдис видзөдны Геня вылö. Чужём  
сертиыс тöдчö вöли, мыйкö сійö кöсийö Генялы шуны,  
но дыркөдь эз вермы чöвтны кыв ни джын.

— Сэсся дзыкөдз вылö нин? — кор-некор юалис  
сійö.

— Дзыкөдз вылö,—косіника вочавидзис Геня.

Водзö сёрнисö нуöдны некоднаныслөн эз тырмыны  
кывъясыс, и Геня, нинём шутөг нöшта здук-мөд су-  
лалыштём бёрын, надзөникөн мөдөдчис миртуйлань.  
А Дуня дыркөдь на сулалис няркерка пельöсын да ви-  
дзөдис сы вылö. Синдоръясас доршасис синва: жаль  
вöли ас кодыс жö шудтём детинкаыс.

*Мих. Мальцев*

## ВАНЯ ДОБРОВОЛЕЦ

Сикт шөрөд визувтис нейджыд ю. Сійö öнi кын-мöма да тырöма лымйөн. Ю бокас, джуджыд нöрыс йылын, сулалiс кык судта ыджыд каменнöй вичко Сійö көрт öграда пытшкын быдмисны джуджыд то-польяс, кыдзьяс, паськыд лапьяса суспуяс. Найö вö-лины еджыдöсь, гыöраöсь. Вичко шпильяс йылын тө-лысь югöрысь дзирдалiсны крестьяс.

Керкаяс вöлины сад пытшкын жö, да пуяс косттыс муртса дзузгисны кынмöм öшиньясти лампа бияс, быт-тö гөрдов кодзувьяс руа войын. Кажитчö, мый поньяс кындзи, кодьяс шыасьлöны көнсюрö, сиктас некод и абу. Но кор воан вичко площадь гөгöрын сулалысь кык судта каменнöй да пу керкаяс öшинь улö, сэк аддзан, мый сэнi олöны мöд сикас олöмөн. Первой гильдияса купеч Сибирцевлөн кык судта ка-меннöй керкаын яръягыда ломалiсны гырысь лампаяс. Тани öнi сулалiс белöйяс батальонлөн штаб. Батальон-өн командуйтысь штабс-капитан Макаров сулалiс те-лефон аппарат дiнын, сёрнитiс полкса командиркöд.

— Господин полковник! Онö кө отсалöй, миян пози-ция лёк, вермасны вöтлыны. А краснöйяс лыйсьöны, тыдалö, унаöн, фронтыс паськыд, квайт „Максим“ ре-зöны.

Полковник, кылö, вочавидзис:

— Приказывайта: краснöйясöс сиктö не лэдзны. Лыжнöй ротатö мөдöдны краснöйяс тылö, найöс кытшавны.

Макаров пуктис телефоннöй трубка да видчигтыр-йи пасьталис кузь шинельсö. Сэсся висьталис телефонистлы:

— Кутасны кө юасны, висьтав: мунис, шу, передовöй линия вылö.

Белöйяс мөдисны лыйсыны зия. Вичкосянь, сарай бокъясянь стрöчитисны вит кымын пулемёт. Тöлыся войö сынöдтi лөдзьяс моз дiзыйöдлисны пуляяс, но краснöйяс цепö эз инмавны, лэбисны юр вывтiныс.

Краснöй батальонлөн командир Лебедев боецьяслы тшöктис кыссыны öткөн-öткөн сиктлань. Но друг асыв лунвывсянь, кылö, шувгёмөн воис дас кык дүймаа снаряд. Сiйö акöстис-усис боецьяс мышкö да осколокъяснас шырзыштис вөрлысь увьяссö. Краснöй пулемётчикьяс чуймисны, недыр кезлö ланьтлисны лыйсьöмысь. А сэсся лоис кыссыны боквыв: мөдисны лыйлыны гранатаясөн; шрапнель поражайтис паськыда.

Савельев кылис тайö чорыд косьсö. Сiйö мөдöдiс связнöйясöс тöдмавны Лебедевлысь положениесö, а ачыс отрядыскöд кезис асыввойланьö, да сьöрся-бöрся мөдисны уйны лымйöд.


Найö матыстчисны сикт бердö и друг аддзисны: посни кустьяс пöвсттi кыкөн-кыкөн, кузь гез моз нюжөдчёмөн воисны лыжникьяс; винтовкаясыс налөн вöлины мышку саясöсь, ременьяс вылын.

Савельев боецьяслы сетис приказ:

— Эн лыйлöй, кытчöдз ог тшöкты.—Пулемётчикьяслы сiйö тшöктис сувтны вөр дорö.

— Ловйөн не лэдзны ни öти лыжникöс, кытшавны сиктсö,—нöшта содтис.

Квайт „Максим“ видзöдiсны воысьяс вылö. Боецьяс виччысисны команда.



Лыжникъяслөн кылö нин лыжиён шаргöмыс.

— О-г-о-нь!—чорыда горöдiс Савельев, и белöйяс здрöгнитiсны. Пулемётъяс койыштiсны свинечөн...

Штабс-капитан Макаров пырис аслас штабö, дрöжитана киясөн босьтiс телефоннöй трубка.

— Господин полковник! Краснöйяс кытшалöны миянлысь сикт. Лыжнöй ротаöс бырöдöма. Висьтав, мый вöчны?

— А тэ мый öни көсьян вöчны?—юалис полковник.

— Отступайтны господин полковник. Мöдног—сгинитам.

Та кадö ывласянь кылис „ура“ горзöм. Сийö шыбытiс телефонсö да уськөдчис öдзöсö телефонист бöрся.

Сиктсö вöли краснöйясөн кытшалöма быд дорсянь, да белöй салдатъясöс лои босьтöма пленö.

Крестьянскöй подводяс ранитчöмъясöс нуöm вылö чукöртчисны вичко площадь дорö, көни комиссар Зенин сёрнитiс крестьянакөд. Зенин дорö матыстчис латшкөсиник тушаа, киссьöм кузь дукöса, дзормöm паськыд тошка старик да юалис Зенинлысь:

— Кызди тэнö шуöны, ёрт?

—Иван Семеновичөн. А мый?

— Сидзкө со мый, Иван Семенович! Тi тшöктаннды ранитчöм белогвардеецъяссö тшöтш нуны лазаретö. А ме шуа: кор белöйясыд воисны миян сиктö, пыр жö кутiсны грабитны. Ме ордö пырисны витөн, кутiсны корны жаритöм яй, вый, кольк да пöжöm йöv, кодъясöс ме ачым важөн нин эг адзыв. Сэсся асьныс пырисны гөбöчö да мый сюри ставсö петкөдiсны. Корсисны амбар ключ дай сэтысь ставсö нуисны. Öни олам тшыгйөн.

— Эз кө нöйтны, сийö бур на да!—татчö содтiс мөд, гөрдов тоша старик.—Миянöс көзайкакөд кыкнанымöс нöйтiсны. А юавсьö: мыйысь? Аттьö тiянлы,

ёртъяс, мездінныд став голь олысьсö. Купечьяс да по-  
пяк юръяссö кутшöма лэптывлісны! Грöзитöны нин вöлі.

Дыр да унатор йылысь сёрнитісны мужикъяс. Ко-  
миссар Зенин кывзис найöс да шуис:

— Ёртъяс! Воас кад—вöчасны ставсö, а öні коло  
нуны ранитчöмъяссö.

Штаб тырис сиктса крестьянаöн. Найö вöзйысисны  
Краснöй Армияö:

— Босьт миянöс, командир ёрт. Ми көсьям во-  
дзöс мынтыны белöй бандалы. Честнöя кутам служит-  
ны гöльяс дор сулалысь Краснöй Армияын.

Вöзйысьысьяс пиын вöліны тшöтш куим ныв, дас  
сизим арöссиянь кызь арöсöдз, да кык детинка—öти-  
ыс 13 арöса, мöдыс 15 арöса. Тайö детинкаясыс ко-  
льöмаöсь батьмамтöг, сирötаясөн. Батьмамсö виисны  
тайö кось дырйи.

Савельев зэв дыр видзöдис детинкаяс вылö. Найö  
вöліны нэрöсь на, кызди тувсовъя леторос, но корис-  
ны босьтны армияö жö.

— Дядя, босьт миянöс! Ми батьмам пыдди көсьям  
водзöс мынтыны. Бура кутам служитны.

— Кызди овныд тиян?

— Неждановъяс ми,—вочавидзис 13 арöса детинка.

— А нимъясныд?

— Менам Ваня, а сылөн Коля,—бара висьталіс  
сійö жö детинкаыс.

— Сідз, Ваня да Коля, шуанныд? Мунö со эсію  
ёрт дінас. Сійö—комиссар.

Комиссар Зенин дыр сёрнитіс детинкаяскöд, тöд-  
масис найö важ олөмөн.

... Квайт час рытын Ваня вöзйысис поп ордö узы-  
ны. Ичötик тушаа, паськыд да кузь юрси-тошка, му-  
дер синъяса поп дыр видзöдис Ваня вылö да жуаліс:

— Тэ кытысь, детинка?

— Ме Кулига сиктысь, Оньö Ольöшлön пи,—жугыля вочавидзис Ваня.—Миянлысь, отец Геннадий, сиктöс талун сотисны, батьмамöс виисны, ме коли öтнам, лунтыр на тшыг.

— Сидз, пиук. Тöда батьмамтö, бур йöз вöлисны. А мыйла тэ веськалин татчö?

— Ме удж корся, оз-ö кодкö босьт кынöмпöтысь кöть.

— Сидз, сидз, бур пи,—шуис поп да бергöдчис попаддялань.

— Верд, матушка, детинкасö да мед узяс миянын. Сэссия сийö Ваняöс малыштис юрöдыс, юалис нимсö да тöдö-ö молитваяс.

— Молитваястö тöда, батюшко. Ме кык во велöдчи. Поп öти-мöдтор юасис нöшта, сы бöрын попаддяыскöд пырис жырийö.

— Аддзöмтор тайö, матушка, енлön ыстöмтор,—попаддяыслы висьталис поп.

Кабалаөн эжöm стенин шарöдчисны төрöканъяс. Ваня мövпалис, кызди эськö бурджыка выполнитны комиссарлысь тшöктöмсö да не öшыбитчыны кывъяс-өн? Тайö мövпалигөн Ванялы кылис шöпкöдчöмөн сёрнитöм. Кань моз сийö кыссис паччөрлань,—пöлать пövъясыс дзуртöны да унаысь сувтовкерлис. Сьöлöмыс чеччалис, быттьö кöсийс петны морöс пытшсыс.

Паччөрсянь пытшкöс жырсыс кылис сёрни, сёрнитисны поп гозья.

— Сы бöрся ми сувтöдам следитны Лидяös. Кутаскö сийö якшайтчыны большевикъяскöд, войнас виам дай гуö,—висьтавлис поп.

— Ме ногөн, сийö зев на том, нивöм на оз гөгөрво. Сыкöд колö мелиа сёрнитны, батьмамсö частöджык казътывлыны,—сидз кылис попаддялön гөлös.

— Вернö. Сидзи и вöчам. Ме вот ёна пола Сибирцевысь, сийö вермас вузавны аслас тэрмасьöмөн, зев нервнöй. Ме пö ог жалит ассьым керкаös ни лөлös.

— Оз жö öд,—öлöдiс попаддä.—Сiйö öд сэк скö-  
рысла сiдз шуис.

Поп, кылö, нöшта на мыйкö сёрнитiс, но Ванялы дугдiс  
кывны. Пöлатьö мунöм бöрын сiйö дыр мöвпалiс, кы-  
дзи сiйö мöдас асьсö кутны поп ордын.

Асывнас поп гозъя Ваняöс пуксьöдiсны чай юны  
гöрд юрсиа, кузь синлысьяса поп нывкöд орччөн.  
Нывкаыслы вöли ар дас кык гöгөр, мисьтöм, дзик  
батьыс кодь.

— Папа, тайö детинкаыс кодi?—юалис нывка.

— Тайö тэныд лоö вокөн, ен мöдöдöма. Öтилаын  
мöданныд быдмыны. Помасяс войнаыс да кутанныд  
велöдчыны. Сы бöрын господь тiянöс благословитас  
ötлаын нэм коллыны, кыдзи ми мамыдкöд коллим.  
Ваня велöдчас да кутас служитны вичкоын. Тэнад,  
Ваня, батьмамыд вöлины ендума йöз. Сы понда ми,  
матушкакöд, сöгласитчим тэнö быдтыны.

Поплөн Ванялысь батьмамсö казтыштлöмыс пер-  
йис синвасö Ванялысь. Поп гозъя нимкодясисны, ду-  
майтiсны, мый ставыс лоö бур.

— Ме, батюшко, мöда кывзысьны, кыдзи батьлысь,—  
шуис Ваня. Поп гозъялы сьöлöм вылас воис Ваня-  
лөн сёрниыс.

Луннас Ваня, кор лэччылис поплысь скöтсö юктав-  
ны шорö, паныдасис Колякöд. Мигнитiс синъяснас  
Колялы, мед сiйö оз лок сы дiнö, индiс бёрсьыс  
вöтчысь поп ныв вылö. Коля гöгөрвоис, да ньöжйö-  
ник, быттö оз видзöд сы вылö, беддöн кутiс жу-  
гöдны юкмöссьыс кынмöм йисö.

Юкмöс дорын Ваня удитiс висьтавны Колялы став-  
тор йылысь, гусьöник сетiс гижöд комиссарлы сетöм  
вылö. Торйöдчигас Ваня шуис Колялы:

— Волы квайт час рытын поп öграда дорö, вись-  
тав, мый шуас комиссарыд. А öни кольччы татчö, мед  
оз гöгөрво сiйö пезыс,—индiс кырийвсьыс поп ныв  
вылö.

Обедайтiгөн Ванялы төрелкаас тырыс тэчисны яй да мукөд сёянъяс, дугдывтөг пөтшуйтисны:

— Сёй, Ванюк, сёй, пиук, пөттөдзыд; регыд тэныд лөсьөдам бур пальто, бур паськөм. Сэсся он нин ло корысь кодьөн.

Сёйөм бөрас пырисны пытшкөс жырьё мёртвөй час вылө. Ваняөс өни эз нин ыстыны пөлатьё, а корисны сьөрсыс. Попаддя висьталіс Ванялы:

— Тайё койкаыс, пиук, тэд, а этійё Лидуклөн. Ваня шензьөмөн видзөдліс керкапытшса мичлун вылө. Сылөн да Лидялөн койкаясыс сулалісны стен бокас сьөрсьөн-бөрсьөн. Койка бердас пуктөма посни ош-куяс. Стенас, койка весьтас жө, ошалісны мича ков-ёръяс. Гөгөр быдмисны ловъя цветъяс. Ошалісны зарни рамаяса портретъяс, ыджыд зеркала да гира-төм часі. Стенсө обоитөма зэв мича обөйөн, пөтө-лөксө краситөма белилаөн; шөрас да дорьясас, пельөсас вөчалөма цветъяс; джоджсө вольсалөма зэв мича вольөсөн.

— Пөрччысь да вод, Ванюк. Миян тадзи вөчөны сёйөм бөрад,—висьтавлө попаддя.

— Шойччам өтик час, сы бөрын бурджыка уджа-лө юрыд,—содтис поп.

Ваня водіс, но сылөн эз узьсы, юрас бергаліс быдпөлөс мөвп.

Мёртвөй час бөрын поп Ваняөс корис аслас узь-лан жырьё, пуксьөдіс пызан дорө небыд улөс вылө да зэв дыр висьтавліс большевикъяс йылысь: найө пө мунөны енлы паныд, льякөсьтөны православнөй вера, йөзөс кыскөны ад гуранө; колө пө паныд тыш-касьны, мездысьны наысь.

Ваня бура гөгөрвоис, кытчө кыскис поп, но лөня, юрнас копыртавліс, сетіс төдны поплы, мый сійө сідз-жө чайтө, весиг шуис:

— Накөд колө воюйтны, батюшко.

— Сідз, пиук, сідз,—нөшта лышкыдджык лоис поп.—Но ми тэкөд огө вермө тышкасыны, абу миян оружьеыд, сомын вермам отсавны белөй войскалы. Сы йылысь ме и көсья тэкөд сёрнитыштны. Тэ сюсь детинка, дай тэнө озджык аддзыны краснойясыд. Ёна колө ветлыны ылысса сиктө, белөй начальство дорө ыджыд мог эм. А мем оз позь. Гөгөрвоин?

— Гөгөрвоа, батюшко,—вочавидзис Ваня.

— Сідзкө, босьт амбар лөскысь лызь да мун иславны, корсь туй, кыті позяс петны сиктысь, часө-вөйяс аддзывтөг...

— Верма, батюшко, корсьны сэтшөм туй. Ме төда татчөс местаястө,—шуис Ваня.

— Но вот, сідзкө бур, дитя. Кор аддзан сэтшөм туйсө, меным висьтав пыр жө; сэк ме висьтала, мый колө вөчны.

Ваня ислалис шор логті лызьөн, шор кузьтаыс кайліс войлань вөрдорөдзыс да мөвпалис, кыз эськө та йылысь висьтавны комиссарлы.

Бөр воигөн сійө паныдасис Колякөд вичко площадь дорын. Ваня зэв гусьоник висьталіс Колялы поплысь сёрнисө да тшөктіс висьтавны комиссарлы.

Кор Ваня воис поп ордө, сэк аддзис, мый поп буретш гижө. Поп аддзис Ваняөс да лэптис юрсө. Сылөн синъясыс быттьө войварышлөн югъялісны.

— Но мый, пиук, аддзин эн?—юалис сійө.

— Аддзи. Шор кузя кайлі вөр дорөдзыс. Лызьөс гуалі лымъяс, бөрти кежлө.

— Молодеч, дитя,—радпырысь шуис поп да вөдзө ыджыд надеяөн висьталіс:—Ми, дитя, тэкөд лоам бур йөз вөсна геройсөн, кужам кө пөртны олөмө планнымөс. Миянөс сэк тыртасны зарниөн, сетасны георгиевскөй крестьяс.

— Кор нө, батюшко, сэтчө ме муна?..

— Гашкө, полан да?

— Ог,—збоя вочавидзис Ваня.

Сэсса поп юасис, аддылісны эз Ваняёс часөвөй-яс, да кодыр тōдмаліс, мый абу аддылōмаōсь, сэк шуис:

— Бур, сідзкō. Ōні мун шойччыны, дитя. Ме мый-сюрō гижышта.

Рытнас чай юигōн поп гозъя Ваняёс бара на ёна гōститōдісны, дугдывтōг шуалісны дона пиōн.

Сэсса поп пыртіс Ваняёс пытшкōс жырас да дыр висьталіс, кыдзи колō мунны и мый висьтавы белōй начальниклы.

Пызан йōрысь перийс пакет да сетіс Ванялы.

— Но, господь тэнō благōслōвитас ыджыд бур делō вылō, пиук.

Ваняёс кинас кресталіс поп да тшōктіс окыштыны кыз рушку водзас ōшалысь крестсō. Ачыс сёрнитіс:

— Клянитча, шу, господь Иисус Крестос нимōн, честьōн пōртны олōмō святōй делō.

Ваня шуаліс ставсō, мый тшōктіс поп. Ваняёс колльōдісны керкаысь ставōн.

— Батюшко да матушка, энō петō ме бōрся, мед оз жō казавны йōзыс,—висьталіс Ваня, и поп гозъя нимкодя кывзісны да шензисны Ваня вежōр вылō. Ваня кань моз лэччис посводзсянь кильчō пос вылō да ньōжйōникōн восьтіс кильчō ōдзōссō. Ывлаыс вōлі пемыд, кōдзыд, енэжсō вевттьōма пемыд кымōр. Ōградаті мунігōн кок улас дзуртіс лым. Калитка ōдзōс дорō воōм бōрын ньōжйōник лэптіс гольскансō да восьтіс калитка ōдзōс.

Улич вылын вōлі лōнь, некод эз тыдав. Муртса удитіс сійō петны уличō, друг мышсяньыс сійōс кодкō кутіс. Ваня тракнитчис, но эз мын.

— Ваня!—ньōжйōник кодкō шуис мышсяньыс. Ваня тōдіс Колялысь гōлōс.

— Мый йōйталан? Кутшōма повзьōдін.

— Менō ыстіс комиссар, мед пō тэ пыралан сы дорō. Ме тані кынмытōдз нин сулалі.

— А сәні Сибирцевыс абу?—юалис Ваня.

— Абу, некод абу. Отнас комиссар.

— Сідзкө, бур.—Котөрөн мунисны штабө кык друг.

Комиссар дорө пырөм бөрын Ваня босьтис шапка-сө, видзаасис. Комиссар чеччис улөс вылысь, локтис Ваня динө, малыштис юрөдыс да юалис:

— Но, мый, кыз делөйд?

Ваня перйис зепсьыс пакет да сетис сылы.

Комиссар нюммунис, мелиа видзөдлис Ваня вылө, унаысь сийөс муртыштис синъяснас да топыда сыв-йыштис:

— Ок, тэ, герой!..

Сэссия пуксис пызан сайө да пурт йывнас восьтис конвертсө, мөдис лыддыны. Ачыс нюммунис. Ваня юалис:

— Мый, комиссар ёрт, лөсялана абу?

— Н-н-да, молодец тэ, Ванюк.

Сийө лыддис помөдзыс поплысь гижөдсө, көн вөли гижөма: „Святөй Россияса христолюбивөй воинство ми, сиктысь пастырьяс, купечьяс да став озыр йөз, котыртим тайө лунъясө союз, кодлөн могыс—мездыны крайнымөс большевикъясысь, антихристъясысь да гөль стабунысь, кодъяс мырдялөны озыръяслысь властьсө, эмбурсө да тупкалөны вичкояс. Миян союзын дас квайт морт. Миян эм кык ящик бомба да мукөд оружье, кодөс колис миянлы капитан Макаров. Ми виччысям тиянөс, бур йөвөс мездысьясөс, кызди пасхаөс. Тайө гижөдсө мөдөда өти детинка съорысь. Сийө сирөта, кольөма батьмамтөг. Сы съорысь юөртөй письмөөн, кор воанныд. Ми чукөртчылам да юк-лам, кодлы мый вөчны. Миян план: краснөйяслысь штабсө арестуйтны, пулеметьяссө жуглыны. Штабыс сулалө миян союза шлен ордын. Воёй сэт, кыт индас детинка, сийө бура төдө туйяссө.

Копрасям тиянлы ставөн, виччысям индөд больше-



Комиссар Зенин сетіс пiсьмiсi Ванялы да тшiдктiс нуны.

викъяскөд да гөльяскөд тыш заводитөм кузя. Священник Маслов. Пукта та дінө союзса шленъяслысь список“.

— Да, Ванюк,—кыпөдіс юрсө Зенин,—зэв бур. Пуксыбы шойччышт.

— Мый гижөма сэтчө, комиссар ёрт?—юалис Ваня.

— Та йылысь, Ванюк, висьтала мөдысь,—шуис Зенин да зіля мөдіс перепишитны письмөсө, а бөрына-нас бөр суйис конвертө да клейитіс, сэсся бөр сетіс Ванялы да тшөктіс нуны белөйяслы.

— Тэ попыдлысь кывъяссө висьтав стөча. Бөр воигад пырав татчө. Ме тшөкта, мед миян часөвөйяс оз кутны тэнө. Гөгөрвоин?

— Стөча гөгөрвои, комиссар ёрт. Вөча сідзи, кыдзи коранныд ті.

Комиссар сывйыштіс Ваняөс, окыштіс да шуис:

— Вөч, Ванюк.

Ваня петөм бөрын комиссар Зенин дыр ветлөдліс джодж кузя. Сійө кабраліс кисө, сэсся шуис:

— Пез гадъяс! Со мый найө көсийоны вөчны; но народлөн выныс ыджыд. Кутанныд казътывлыны нэмтө. Союз ковмөма...

Пырис отрядөн командуйтысь Савельев. Сійө сувтіс өдзөс дорө да дыр видзөдіс Зенин вылө, сэсся юалис:

— Мый лои? Мыйла сэтшөм скөр, Иван Семёнович?..

Зенин индіс пызан вылас кабала вылө:

— То, лыддьөй, мый гижөма сэтчө.

Савельев гырысь вөськолөн муніс пызан дорө, пуксис улөс вылө да, бумагасө лыддьөм бөрын, юалөмөн видзөдліс Зенин вылө. Зенин висьталіс Савельевлы ставсө, кыдзи вөлі делөыс. Савельев мурөстіс, зымкнитіс кулакнас пызанө да пинь пырыс шуис:

— Гадъяс!..

Вата кодь лым еджыд шебрасён отмоза шебралё-ма мусё. Но съод пемыд войё сійё кажитчө рудён. Енэжыс вөлі руд жө, кымөра. Лөнь. Муртса кылыштө лызьлөн шаргём. Бөрө кольё лызь туй. Ваня пөсяліс нин; сійё өні муніс посни кустьяс пөвстті, а водзынджык муртса тыдаліс пожөма вөрлөн мыгөрыс. Ванялы төдса тайё вөрыс, челядькөд сійё унаысь во-ліс татчө.

Сиктлань матыстчөм бөрын Ваня петіс туй вылө. Съөлөмыс тэрыба чеччаліс. Сиктыс муртса тыдаліс пемыдысла. Сиктын вөлі лөнь. Ваня видзөдліс гөгөр-бок.

Сиктө матысмигөн сылы горөдісны:

— Сулав! Коді воө?

Ваня чуймис, сувтіс. Юрнас бергөдлө: корсьө, коді сійөс сувтөдіс.

— Киястө лэпты!—бара кыліс горөдөм. Ванялөн лыбисны киясыс. Сійө медсясө поліс лыйөмысь. Потшөс дінсянь воис шинеля морт, киас тыдаліс чургөдөм винтовка.

— Тэ коді?

— Морт, он өмөй аддзы,—збоя вочавидзис Ваня.— Менө мөдөдісны татчө.

— Коді мөдөдіс?

— Менө мөдөдісны письмөөн да тшөктісны сетны начальниклы.

— А, но, көн письмөыд?

— Тэ абу начальник, тэд ог сет. Тшөктісны сетны киас начальниклы; нуөд менө сы дөрө.

— Тэ кодлөн татшөм збойыс?

— Священниклөн пи.

— Сідзкө, мунам,—шуис часөвөй.

Штабыс белөйяслөн сикт шөрас, виж краскаөн мавтөм обшивайтөм керкаын. Салдаткөд Ваня пырис первой жырийө. Дежурнөйыс висьталіс полковниклы сылысь воөмсө, и Ваняөс лэдзисны жырийө.

Ваня аддзис пызан сайысь пукалысь съод кыз мор-тос. Сійо вөлі защитной рёма френча, зарни погоньяса, югид кизьяса, ыджыд съод тошка, вывланьо чургысьом усьяса.

— Ваше высокоблагородие. Вайөді детинкаос, пост вывсянь, шуо, вая пö письмö начальникиды,—висьта-лис салдат. Полковник сылы тшöктис петны, а Ванялы шуис:

— Лок татчö. Письмö пö вайöмыд?

— Вайи,—Ваня кутис перйыны пальто зепсыс пись-мö, сэсся сетигас нин шуис:

— Папа тшöктис сетны сöмын начальниклы киас, көть пö лыясны, эн сет некоды. А сиктысь петигөн кө пö казьясны, кутасны сувтöдны краснойяс, тальышт пö лымьяс, а ачуд век водзö мун. Ме вон лызьөн гусьоник, некод эз аддзыв.

Полковник шензыштит Ваня сюсьлун кузя, сійо окыштит да тшöктис пуксыны, а ачыс мөдис лыддыны:

— Молодец!—письмö лыддьом бöрын шуис полковник, сэсся юалис:

— Кызди тэнö шуоны?

— Ваняөн.

— Зэв бур, Ваня. А тэ он тöд, уна-ö краснойяс-ыс сиктад?

— Мыйкө тай ветлөдлөны уна кодь-а, лыдсö ог тöд, меным эз висьтавны.

— Тэнö эз аддзывны воигад?

— Эз. Ме гусьоник шор логтыс кайи вөр дорас, сэсянь вөр пөлөныс пыр вон татчö.

— Замечательной разведчик!—горөдис полковник.—Бура служит.

— Ме сьөлөмсянь служита, Сöмын öтитор кора: öдйөджык бөр ыстөй!

— Эн шогсы, дона пи, ставсö лоö вöчöма ас ка-  
дö, муномысь эн пов; тэкöд мöдöда 4—5 салдатöс да  
найöс тöдмöдан сийö местанас, кытi воин.

Ванялы дыр виччысьны эз ковмы. Регыд пöлучи-  
тiс сургучöн печатайтöм пакет, босьтiс да дзевис  
пальто зептас. Полковник мыйкöдыра висьталiс Ва-  
нялы пель дорас. Сэссия Ваня мöдöдчис. Нель салдат,  
лызьтöмöсь, Ванякöд воисны шор логö лэччан вөр  
дорöдз да сувтiсны, мöдiсны видзöдны, оз-ö кутны  
Ваняös.

Ваня тöвныр моз исковтiс горув да саялiс логас.

Ваняös краснöйяслөн часöвöй тöдiс да лэдзис  
пырны штабö. Комиссар буретш узис пызан сайса  
диван вылын. Сийö абу и пöрччысьöма, гөрд ыжку  
пассыс сöмын кизьяссö разьöма, юр улас пуктöма  
кутшöмкö важ пальто.

Ординарец мыйкö тижис пызан дорын, улöс вылö  
пуксьöмөн. Ваняös аддзис да юалiс сийö:

— Мый войнас шляйччан, он узь?

— Узьöмнад делöйд оз артмы,—зэв серьёзнöя  
шуис Ваня.—Ме комиссар дiнöдзид.

— Узьö,—ньюжйöникөн шуис да чуньнас индiс пы-  
зан сайö ординарец.—Муртса водiс.

— Менам зэв важнöй делö эм.

— Ог садьмöд. Аски волю. Сийö кык вой нин эз  
узьлы,—вочавидзис ординарец.

— Аски лоö сёр, колö öнi жö.

Вензигөн налөн гөлöсьясныс лоины гораджыкöсь,  
да Зенин садьмис.

— Ваня, тэ?—шуис комиссар да матыстчис Ваня  
дiнö, а ординарецлы тшöктiс петны. Ваня чöва паль-  
тосьыс перйис сургучалöм конверт да сетiс комис-  
сарлы.

Комиссар малыштiс Ваняös юрöдыс:

— Молодец тэ.—Сэссия варөдіс сургучсө.—Ми выльөс вöчам попыды, — висьталіс сійö. Ваня висьталіс сылы ставсө, кызди вöлі делöйс:

— А сюран кö да пакеттö кö ковмас тальыштны лымъяс, висьтав пö кывнад: воам выль во паныд, стöч войшöрын. Виль восö пö празднуйтам тiян сиктын.

Сэссия комиссар висьталіс, мый ковмас вöчны Ванялы.

— Войнас налөн лоö собрание, — висьталіс Зенин. Поп керка дiнö ме ыста Коляöс. Чукöртчöм бöрас тэ петавлы сылы висьтавны. Гөгöрвоин?

— Гөгöрвои, комиссар ёрт!—вочавидзис Ваня.

Поп ордö Ваня воис 5 час асылын, декабрь 30-öд лунö. Поп гозъя вöлі узьöны на, дыр эз востыны. Кынмытöдзыс грымöдчис Ваня. Сэссия коркö петіс попаддя да юаліс:

— Коді сэн зымöдчö?

— Ме, матушка, — вочавидзис Ваня.

Кильчö посьяс, кылö, дзуртiсны. Попаддя мыйкö вомгорулас бормочитіс.

Вешъясян кöрт калич гольснитіс-воссис, попаддя тöдіс Ваняöс да зэв меліа шуис:

— Кынтiм öд ми тэнö, муса пи. Мыйла эн öшиньö торкöд.

Керкаö пырöм бöрын Ваня ниртiс воча ки, быттö зэв ёна кынмис. Төвйöм бöрын гуысь петöм ош кодь поп пукаліс пызан сайын да лыддис Ванялысь вайöм белойсянянь лист. Поплы воча мöдар пызан дорас пукалö попаддя, синъяссö оз вештыв поп вылысь, быттö виччысьö тшыг пон кöзьяинлысь кусöк. Поп ассьыс нимкодьсö кутны эз вермы. Сійö сывйыштiс да окыштiс Ваняöс.

— Но, матушка. Со öд мян пиыд кутшöм ыджыд делö вöчис. Виль во кутам празднуйтны образованнöй бур йöзкöд. Толькö колö чукöртчывны аски, сёрнитыштны.—Попаддя пернапасасис, сэссия шуис:

— Колö висътавны Сибирцевлы, мед Ванялы лөсьодас бур пальто да костюм.

— Дерт жö, дерт жö, матушка.

Ваня мунöм бöрын комиссар дыр пукалис пызан дорас, мөвпалис, кызди бурджыка пасъвартны тайö контрреволюционнöй заговорсö. Пырис Савельев. Адзис комиссарöс да сувтис порог дорас: мунигас на муртса водис, а бара нин пукалö. Зенин бергöдчис Савельевлань. Сылөн чужöмыс вöли зумыш, узытöмла гөрдöдөм синъясас öзйис решимость.

— Иван Семенович,—шыасис Савельев.—Тэ пулятөг кулан тадзикөн, мыйла он узы?...

Зенин висъталис ставсö, мый вайис Ваня белöй штабсянь. Найö сэн жö вöчисны план, юклисны вынъяс, кодöс кытчö ыстыны.

— Попов!—чукöстис ординарецöс Савельев. Ординарец сувтис да юалис:

— Мый колö, командир ёрт?..

— Кор став командиръяссö ассыным. Öнi жö мед воасны, но гусьөн. Гөгөрвоин?

— Гөгөрвои, командир ёрт!

Командиръяс чукöртчисны öдйö. Совещание мунис делövöя, юклисны вынъяс. Декабрь 31-öd вой кежлö шуисны ыстыны кык группа засадаö да босьтны белöйясöс лыйсьытөг. Заговорщикъясöс кутны индысис ачыс Зенин да та йылысь эз и сёрнит. Весиг эз сёрнит, мый сиктын лөсьöдöма заговор. А засада вöчөм йылысь эз тшöкты болтайтны.

Кökъямыс час рытын поп керкаын, пытшкös жыръяс, ыджыд пызан гөгөр, улөсьяс вылын, пукалисны заговорщикъяс. Поп шыльöдöма юрсö, мавтöма елейөн, выль пöдрасника, зэв паськыд сосъяснас öвтчö-

мөн висътавліс белой полковниклысь юорсё. Сылөн морёсас блёнъяліс эзысь крест.

Пызан улас заптёма кык ящик гөгрёс английскöй ручнöй граната, сизим карабин-винтовка сулалісны пельёсас Ваня крöватъ помын. Ванялысь нинём эз юасыны, кöть эськö сійö пукаліс сэн жö аслас крöватъ вылын. Сійö кыйöдіс кад да гусьöник петіс керкаысь, ньöжйöник восьтіс кильчö öдзöссö, сэсса воротасö. Сійö вöлі ситеч дөрём кежысь, кöдзыдыс чеплялö яйсö. Ваня котöртіс мый вынсьыс штабö. Пыригмозыс и висъталіс:

— Комиссар ёрт, чукöртчисны поп ордад дас квайт морт, мунö собрание. Ме муна, а то казяласны,— уськөдчис Ваня öдзöссö бөр, комиссар весиг эз удит ни öти кыв шуны.

Комиссаркөд кызь морт мөдісны поп ордö. Поп ворота дінö воём бöрын комиссар тшöктіс пырны шынитöv.


Ваня бара нин вöлі керкаын, öдзöсъяссö колис восьсөн. Купеч Сибирцев юкліс кывкутём, кодлы мый вöчны войшөр воигөн. Попаддя гыравывччöма, чужём бокас пуктёма кияссö да видзөдö Сибирцев вылö. Поп шылөдö тошсö веськыд кинас, вожөдö öтмөдарö шöрсяныыс.

— Руки вверх!—друг горөдіс комиссар, кор пырис керкаö.

— Попаддя повзьöмысла усис джоджö, мукöдыс кынмисны местааныс, кияс лэптöмөн.

— Шобöй!—чорыда горөдіс комиссар.

— Ваня индіс пызан улö. Красноармеецъяс шобисны заговорщикъясöс, кыскисны граната тыра ящик, босьтісны винтовкаяс пельёссыыс. Вит минут мысти бандитъяс пукалісны Сибирцев керкаын, краснöйяс штабын, часөвöйяс охрана улын. Öтиөн корөмөн найöс допроситісны Зенин да Савельев.



Войвывса вёрдор кузя нюжодчёма краснойяслон цепь. Войыс пемид. Лёнъ. Оз кыв некутшом шы. Сюся видзодисны часовоюяс асывлань, кысянь долженось воны белюяс. Дас оти час да комын минутын тыдовтчисны воысяслон съодов рудобъяс, найо воисны кыкөн-кыкөн. Сёрни шы эз кыв, тадзик прөйдитисны часовоюяс дорті морт кыксё гөгөр, но помыс эз на и тыдав. Лызя дадыяс вылын кыкисны „Максим“ пулеметьяс.

Муртса удитисны прөйдитны остатки борья салдатыяс, гымыштитисны взрывъяс ручной гранатаяслон. Отпырйо вёрсянь уськодчисны атакао „ура“ горзёмон красной боецъяс.

Белюяс шыблалисны винтовкаяс, сулалисны кыяс лэптёмон. Полковник Соболев тирзис полόμεысла, офицеръяс чуймомны татшом виччысьтөмысь.

Офицеръясос да полковникос пыртисны штабө сэк, кор вөлі Зенин допроситө кузь юрсиа попос. Полковник Соболев синкымувсяныяс видзөдліс поп вылө да шуис:

— Предайтін, гад!

Поп эз шыась. Ваня петіс мөдар жырсянь да серөктёмон шуис:

— Воинныд, господин полковник? Тэнсьыд гижөдтө сетөма адрес серти.

Полковник лёк зверь моз видзөдліс сы вылө да горөдіс:

— Виччысь, сюран кө, ошөдасны.

Ваня серөктіс:

— Не тэнад вомон кыйны шыръясос.

## ПОЛИТРУКЛӨН ОТСАСЬЫСЬ

Рөмдандор керка пытшкын омөля нин тыдаліс. Колялы гажтөм вөлі пукавны да видзөдны лабичын куйлысь морт вылө. Ошинь вылө лөччысьөмөн сійө пырзілис ылөдны ассьыс синъяссө Ывлаө, но найө мырдысь зырчисны висьысь вылө, кодлөн сьөкыда лола-лөмсьыс кыптавліс морөсыс.

Коля вөлі оз төд, мый нимыс висьысьлөн, нө төдіс, мый сійө красноармеец да ранитчөма асывводзса бой вылын. Краснөйяс өна водзсасисны, но эз тырмывынныс да лои бөрыньтчыны. А тайө мортыс ранитчөмла эз вермы пышйыны. Сійө пырис Коляяс карта вылө да гуасис идзас пытшкө. Кор ранаыс заводитіс өна висьны, сылөн бырис садьыс да кутіс ойзыны. Сэжи и кыліс сійөс Колялөн мамыс. И найө Колякөд, сойбордөдыс сійөс кутөмөн, кыкисны керкаө. Колялөн пельясас өні на быттьө кыліс сылөн ымзігсор горзөмыс:

— О-о! Эн сетчөй! Ёртъяс! Ме тан, ме тан! Да.. Лыйлөй, лыйлөй!

А өні со куйлө сійө да шысө оз сетлы, оз вөрзөдчыв. Чужөмыс быгалөма—кельыд, кельыд.

Идрасянінысь пырис Колялөн мамыс да, синдоръяссө чышкышталіг, локтіс лабич дорө, жугыля пондіс

видзодны куйлысь вылө. Сійö öнi думайтiс мужик йивсьыс, кодi мунiс доброволецöн Краснöй Армияö да, вермас лоны, тадз жö раитчöма да куйлө кодкö öрдын. Сылы вывтi жаль вöли тайö краснöй боецыс. Ъвлаысь пыртöм бöрын сийö мыськалiс сымысь ранасö, сэсся кöрталiс сöстöм рузумöн.

— Эз на шыасьлы?—юалiс Колялысь сийö.

— Эз на,—жугыля вочавидзис Коля да локтiс мамыс дiнö.

Висьысь вöрзöдчыштiс, сьöкыда бергöдiс юрсö да ружтыштiс. Сэсся синсö восьтытöг шыасис:

— О, о... Горшöй сотчö...

— Коньöрöй,—шуыштiс Парасковья (сiдз вöли Коля мамлөн нимыс) да көкчуньяс йылын тувччалöмөн, быттö полис кокшынас висьысьöс дöзмöдöмысь, ветлiс вала. Висьысьлысь юрсö кыпöдыштöмөн матыстiс көшсö вом дорас. Сийö восьтыштiс вомсö да горша ньылалiс кодзыд ва, а сэсся бöр лэдзис юрсö пöдуш-ка вылө да пондiс сургыны.

Эня-пия дыр на сулалiсны сы водзын да чöвланьтöмөн видзöдiсны. Колялөн мамыс вöли том на, чужöмас чукур рöд абу, сöмын тай мужикыс вöсна шогсьöмла синъясыс вöйыштöмаöсь да чужöмыс рудовыштöма. Коля жö вöли вöсньыдик гум кодь на, ёсь чужöма, ичöтик ныра, сюсь синъяса, русьд детина. Сылы вöли сöмын на 13 арöс, но зэв авья, быдтор гөгөрвоö. Тайö мортсö кö эськö вермис сийö бурдöдны, тайö жö здук вылас бурдöдiс. Вот эськö, мойдын моз кö, визлач ваөн пыйыштöмысь бурдасны ранаясыс, пыр жö и пызъяс; но öд сiдзсö удайтчывлö сöмын мойдын, а збыльвылад сiдзтö оз овлы.

Коля, мамыс бердö вешыштöмөн, гусьöник юалiс:

— Мам, ме ветла тöдмавны, мый вöчсьö сиктас...

— Кытчö нö муан? Пемыднад лыясны ещö.

— Оз. Ме ог сюрöдчы. А тöдмавынсьö колö, оз-ö шобсявны...

Парасковья повзыштис. Ӧдшобсясны кӧ да сюрас кӧ тайӧ красноармеецыс, сэки ни сийӧс, ни Коляӧс оз кольны ловйӧн. Здук мында чӧволӧм бӧрын сийӧ надзӧник шуис:

— Ветлы, но виччысьӧмӧнджык. Да кылан, эн дыр кежлӧ мун, а то...

Кӧсйис ещӧ мыйкӧ шуны, но эз удит. Висьысьныс ружӧбтис да кутис ымзыны.

\* \*  
\*

Асывнас Туркин садьмис ёнаводз, кор Парасковья да Коля узьӧны на вӧлі, а керка пытшкӧсысь муртса на позис аддзыны гырысджык кӧлуйсӧ. Сийӧ восьтис синъяссӧ: керка пытшкӧсыс дзик тӧдтӧм, а ачыс куйлӧ вольпась вылын, шебраса. Сы весьтын кыз матича да керъясысь пӧтӧлӧк, юр водзас ичӧтик ӧшинь, кыті пырӧ асья лӧз югид. Кӧні сийӧ?

„Кӧні ме?“ — мӧвпыштис Туркин. — „Сюри кӧ пленӧ, эз эськӧ водтӧдны небыд вольпась вылӧ, а водтӧдисны кӧ, то дінын должен сулавны видзысь“. Кор сийӧ кӧсйис чеччыны да вӧрзьӧдис кисӧ, медым пыксьыны, шуйга лопатка улас быттьӧ пуртӧн сутшкыштисны. Сийӧ ыджыда лолыштис да мурӧстис:

— М-м-м!..

Парасковья ӧдйӧ вештыштис эшкынсӧ, чеччис да локтис Туркин дінӧ, копыртчыштӧмӧн юалис:

— Сёйыштны колӧ?

— Оз... Оз ков сёйны...

— Мый нӧ эськӧ?

— Кӧні нӧ ме?—воча юалис Туркин.

— Тэ, донаӧй, Буткан сиктын. Тэ ӧд ранитчӧмыд.

— А дыр нин куйла?

— Тӧрытсаян. Лыйсьӧмысь дугдӧм бӧрын ме петі ывлаӧ да кыла кодкӧ ружтӧ карта вылын, идзас пытшкын. Ме ӧдйӧджык бӧр керкаӧ пыри. Висьталі

Колялы, да ськөд петім. Тэ вöлн дзик садьтöм. Ми öдвa пыртім керкаö.

Водзö висьтавыны Туркинлы нинöм эз ков. Ставыс тöдвылас уси: кьдзи сийö зилис водзсасыны белöйяслы паныд, кьдзи ранитчис да усис потшöс бокö, а сэссия кьсьöмөн локтис да пырис карта вылö, кьдзи дзебис нагансö да полевöй сумкасö идзас улö да ачыс гуасис мöдлаö. Сöмын оз помнит керкаö пыртöмсö.

Сийö сьöкьда лолыштис да юалис:

— Коді нö Коляыс? Мужикьд?

— Абу. Пиöй. Менам öд мужикöй тиян моз жö кöнкö тышкасьö белöйяслы паныд. Письмö ни нинöм оз волю. Гашкö абу и ловья.

— А-а...—нюжöдис Туркин. Сэссия чöволыштис да юалис:

— Кьдзи тэнö шуöны?

— Парасковья. А батьöс шулисны Семöөн,—висьталис Парасковья.

— А-а... Висьтав, Парасковья Семеновна, белöйясыс эмöсь тиян сиктын?

— Эмöсь,—вочавидзис Парасковья.—Краснöйясылы бöрыньтчыны лои тöрытнад.

— А менö тöдö оз кодкö татысь?

— Некод оз тöд ме кьндзи да менам пиöй кьндзи.

— Оз ков некодлы висьтавыны, Парасковья Семеновна. Ме öд регьд муна тась...

— Ог висьталö, эн пов. А мунöм йывсьыд эн сёрнит; кор бурдан, сэки и муна.

Туркин корис юны. Парасковья вайис стöкан йöв да вöсньыдик шöрöм нянь. Туркин юыштис и сөйыштис...

Куим сутки сийö эз чеччыв, а нельöд луннас чеччис да ас кокнас петавлис ывлаö. Мунöм йылысь оз на позь вöли думыштны: сылөн сутшкис лопатка улас.

Коля лун кежлö куимысьöдз ветльвлис сиктö да

быд ветліг вайлывліс выльысь-выль юөръяс. Нельёд луннас сійö котөрөн воис да висьталіс:

— Иван дядь тшöктіс висьтавны, белöйяс пö талунаски лöсьöдчöны водзö наступайтны.

Туркин недыр мөвпалыштіс, сэсся шыасис Коля дорö:

— Тэ вöчан öтитор меным?

— Висьтав...

— Колö юөртны краснöй отрядлы сы йылысь, мый тэ висьталін.

Час мысти Коля вöлі дась нин петны туйö. Пызан дорын, сьöкыда на лолаліг, пукаліс Туркин да гижис записка: „Юров ёрт, колö восьтыны контрнаступление. Подробностьяс висьталас тайö детинкаыс. Туркин“.

— На, да мед оз жö кутны мунігад, виччысь.

— Лöсьыда ветлы, Коля,—содтіс мамыс.—Ляпöд весьтас воан да пыжыс кö абу—горзы.

— Ме тöда кыт колö вуджны. Вуджа ме Сюзь кöдж юрöд. Сэтөн ваыс ляпкыд.

— Эн бара вöй,—шуис мамыс да жугыльтчыштіс.

— Ог жö вöй, ме öд абу нин ичöt.

И гач зептö письмöсö суйöмөн, Коля мөдöдчис.

\* \*  
\*  
\*  
\*

Коля уйыштіс бадькустö да сапкысис кымынь. Мый вермöмысь чужöмсö уль му бердö ляскөмөн сійö зілис лолавны кызд позьö надзöнджык, но тырём ловсö вöлі зэв сьöкыд кутны. Тöv вөрöдіс вöсньыдик ньөръяс, кышкис коръяснас. Колялы кажитчис, мый шыалö сійö ачыс, а оз кустыс. Регыд мысти сылы кутісны кывны кокшыяс. Сійö кыпöдыштіс юрсö, но некодöс эз аддзы.

Друг кодъяскö вуджисны куст пыр да сувтісны Колялы паныд, шаг дае вит сайö. Öні сійö лöсьыда аддзис, кутшöм йöз тайöяс.

„Найö оз тöдны, мый ме тані. Тöдісны кö эськö, важөн локтісны да тшапкисны. Колö куйлыны лöня, лöня“...—думайтіс Коля.

Белогвардеецъяс сёрнитісны воча сувталöмөн. Öти—погонъяса. Сійö юасис:

— Татчö воши?

— Но да. Эсійö кустас пырис, а кытчö петіс, эг аддзылö.

— А петіс?

— Петіс, дерт. Тöдöмысь, водзö котöртіс.

— Том морт?

— Детинка на. Сюсь, тыдалö, быттьö сыліс.

— Колö корсьны!—стрöга тшöктіс погонаыс.—

Став кустъяссö видлавны!

Колялөн сёлöмыс из кодьöдз чорзбыліс. Кутасны кö талань локны, запискасö ньылыштас.

Но сылөн полöмыс весь лои. Сійö видзöдіс, кыдзи найö чукөрнаныс мунісны ыджыд куст дорö, пырисны куст пытшкас да саялісны. Коля надзöник пондіс кыссыны мöдарö. Недыр мысти петіс куст пытшкысь да гөрбыльтчöмөн котöртіс кустъяс пöлөнöд водзö.

„Ещё кык кöдж коли мунны, сэсса позьö вуджны, а вуджа кö—то босьтö“,—пыркнитіс юрсö Коля, быттьö сы водзын сулалісны корсьсысясы. Кыкысь кымын видзöдліс на бөрвылас, но некодöс эз аддзы.

Сійö кöджъясыс, кодъяс йылысь мөвпаліс Коля, эз вöвны зэв дженьыдöсь. Öтиыс куим верст сайö да мöдыс кыкысь кузь жö. А на сайын сэсса Ляпöд сикт.

Тöv кутіс ыджыны минутысь минутö, да кор Коля воис вуджанінö, ва вылын швичкисны веж гыяс. Енэжын кыпöдчис пачкымöс кодь сьöд кымөр, пондіс пемдöдны, быттьö рыт нин локтіс.

Ыджыд бадь копыртчöма ю весьтöдз да кузь увъяснас судзöдчö ва вывса гырысь гыясö. Тайö баддьыс дорö и сувтіс Коля. Сійö пөрчис кöмкотсö да гач-

сö. Гы ва вылас видзöдигас сылы лой шуштöмкодъ,  
мышку кузяыс визöбтис кöдзыд йирмög.

Сэссия гөгөрбок бура видзöдлöм мысти сийö пук-  
тис гачсö да кöмкотсö сылы вылас вожöдöмөн да  
пырис ваö. Ваыс вöли кöдзыд нин. Кокъяссö вылөдз  
лэпталігтыр Коля заводитис вуджны.

Друг кокувсьыс вошис муыс и сийö дзумгысис  
юрывтис да кутис кылавыны. Ловсö пыкöмөн кыпöд-  
чис ва веркöсö да пондис варччыны. Кötасьöм кöлуй-  
ыс личкö, голя вылө вожöдöм гачыс крукавлö княссö,  
мешайтö варччыны, а берегыс век на ылын. Ещö кö  
неуна кылалыштас, и визулыс кутас вуджöдны мöдар  
берегас. „Колö öдйöнджык воöдчыны“,—мövпыштис  
Коля да медбөръя вынсьыс öддзöдчис.

Сийö муртса воис берег дорö, а ещö кö ковмис  
варччыны, эз нин вермы, сэтшöма мудзис.

Берег дорö воём бöрын Коля бурадыр жуйвидзис,  
сэссия шойчыштöм бöрын петис ваысь, кайис кыр  
йылö да пуксис, заводитис пыдзравны ва паськöмсö.  
Тірзигтыр кöмаліс гач да кöмкотсö и мöдöдчис ко-  
төрөн, медым шонавыны.

Вөр ді пытшсянь, коді вöли туйсянь шаг комын  
сайын, друг бырскöбтисны кык верзьöма да веськыда  
локтисны Коля вылө. Сийö надзмöдіс.

„Бара сюри. Эх-ма, öні и прамöя сюри“,—мövпыштис  
сийö, чайтöмөн, мый тайö белöйяс.

Вöляяс сувтисны. Коля сюся видзöдліс верзьöмаяс  
вылө. „Краснöйяс“,—мövпыштис сийö картузьяссыныс  
звездаяс аддзöм бöрын.


— Кытчö котöртан?—друг юаліс öтиыс, кодлөн вö-  
лыс вöли тшötшöдöм бурыся, сьöд карöй гöна да  
вöсньыдик кокъяса.

— Ляпöдö,—сы вылө видзöдігтыр шуис Коля.

— Кысянь?

— Вадорсянь,—вочавидзис Коля.

— Мыйла нö ва паськöмыд?



Коля сяся видзодліс верзьбмаяс вылѵ.

— Вао вöйлi.

Красноармеец видзöдлiс мöд ёртыс вылö. Мöдыс нюмйыштiгмоз довокнитiс юрнас.

— А тi краснöйяс?—немвиччысьтöг юалiс Коля да ачыс быдөн повзис.

— А тэд кодi колö?—воча юалiс красноармеец, и Коля джöмдiс, воши тöлк вывсьыс, эз тöд мый воча-видзны. Воддзадзык красноармеец казялiс шöйöвошöм-сö да висьталiс:

— Краснöйяс! А тэд мый?

— Ме локта краснöйяс дорö, Буткан сиктсянь. Меным колö тiян командирныд. Кöни сiйö?

— Мыйкö ваян?

— Ог,—вочавидзис Коля, век на виччысьöмөн, медым не выдайтны Туркинöс.

— Вот и на. Нинöм он вай, а колö. Мыйла нö сiдз? А ме кö командирыс?

— Вай эн шутит, Габов,—öлöдiс мöдыс ёртсö да содтiс:—Раз колö, колö нуны. Гашкö кутшöм кола-на юөр вайö.

Коляöс сiйö пуксьöдiс ас водзвылас да морöс бер-дас топöдöмөн мöдöдчис рöдтыны Ляпöд сиктлань. Мудзöм бөрти быттьö зыбкаö пуксьöдiсны да люльк-йöдлiсны, кыдзи ичöтик дитяöс.

\* \* \*

Ичöтик пызан дорын пукалiсны куим военнöй да видлалiсны карта.

— Öшыбайтчан, Юров ёрт, öшыбайтчан,—шуалiс ичöтик тушаа, гöгрöс Дымов, тшöтшывд уска, кузь-мöс чужöма ыджыд мортлы.

— Ме шуа: колö наступайтны, а не обороняйтчы-ны! Колö панывд мунны да виччысьтöгныс жугöдны бандасö. Менам план татшöм...

Друг таркнитисны ӱдзӱсӱ да Юров орӱдӱс сӱрни-  
сӱ. Сӱйӱ бергӱдчис ӱдзӱслань да шыасис:

— Пырӱй!

— Командир ӱрт, детинкаӱс вайим. Локтӱ тӱян  
дӱнӱ, —шыасис пырӱм красноармеец, кисӱ под козы-  
рӱк кутиг.

— Мед пырас!

Коля сувтӱс порогулӱ. Сылӱн ва дӱрӱмыс да гачыс  
чукрасьӱмны, некӱн шылыдӱныс абу. Сы вылӱ сюся  
видзӱдӱсны квайт син.

Ыджыд тушаа, тшӱтшыд уска морт локтӱс сы до-  
рӱ да кутис пельпомӱдыс.

— Да, тӱнад паськӱмыд ва тай?

— Ва,—вочавидзис Коля и сылӱн горш дӱныс  
гӱрддзасис, синъяссьыс исковтӱсны синва вӱйтъяс.

— Мый тӱкӱд? Мый лои? Да тӱ висьтав, ӱн бӱрд.

— Вӱйли,—шуис ньӱжӱйӱник Коля.—Менӱ ыстӱс  
Туркин.

ӱта-мӱд выланыс видзӱдӱсны военӱйяс. Найӱ  
тӱдӱсны, мый Туркин коли кытчӱкӱ Буткан сиктӱ,  
кор отряд отступитӱс.

— Сӱйӱ миянын, сӱйӱ ранитчӱма,—водзӱ шуалис  
Коля,—ме вайи тӱянлы юӱр.—Коля сьуйлис кисӱ гач  
зептас да кыкис ньӱдздӱм бумага.

Ыджыд тушаа морт босьтӱс Коля кийсь кӱтасьӱм  
записка да паськӱдӱс. ӱдӱйӱ лыддис да шуис:

— Да тӱ молодец.—Сӱйӱ матыстчис да окыштӱс  
Коляӱс.

— ӱртъяс, политрук Туркин збыльвылӱ ловья!—  
шуис сӱйӱ. Сӱсся ещӱ видзӱдӱлис гижӱдтор вылӱ да  
лои серьӱзнӱй.

— ӱртъяс, Туркин ӱрт танӱ гижӱ, мый миянлы  
колӱ наступайтны. Ме сӱдзи жӱ вӱлӱ думайта.

Коля вылӱ видзӱдӱлӱм бӱрын сӱйӱ шуис ӱдзӱс до-  
рын сулалысь красноармеецлы:

— Васильев ёрт. Тайё детинкаыс кынмөма, тшыг. Вежөй паськөмсө, вердөй да шонтөй.

Коля вөлисти кутіс чувствуйтны, мый сійө и кынмө, и тшыг, и мудзөма, өдва кок йылас сулалө.

Пызан сайын пукалысь шырөм юрсиа кузь морт чеччис да локтіс Коля дорө. Коляөс пельпомъясөдыс кутөмөн, сійө видзөдліс сылы синмас да шуис:

— Но, политруклөн отсасысь, мунам мекөд. Кыдз тэнө шуёны?

— Коляөн.

— Коля?.. Зэв мичаник ним. Мунам, вежам паськөмтө да өбөдайтыштам.

Коля видзөдліс Юров вылө да көсийс мыйкө шуны, но Юров паныдаліс сійөс:

— Мун ветлы да шонтысь, сы бөрын локтан ме дінө. Ми тэкөд сәки сёрнитам бурджыка,—тайё кывьяссө Юров шуис меліа, и сійө кывьяссыс Колялы лои сэтшөм долыд сьөлөм вылас, мый вуніс и мудзыс, и кынмөмыс. Сійө дась вөлі выльысь котөртны гортса сиктөдзыс да висьтавны ранитчөм политруклы, мый сылысь заданиесө лои пөртөма олөмө.

Г. Федоров

## КУИМ ПОКОЛЕНИЕ

(„Трактористка Вася“ повестьысь глава)

Дженьыд төвся лун өдийö кутис рөмдыны. Енэжыс вочасөн пыр ёнджыка и ёнджыка пемдiс. Öти бөрся мөд öзъялисны кодзувъяс. Төдлытөгмоз локтис рыт.

Базаса механической мастерскойын жургис динамо-мотор, бергалисны приводной ременьяс, кылис көртөн көртö клёнодом. Тискияс дорын, слесарной станокъяс дорын мышкырасисны уджалысьяс: кодкө рашпильон зыртис, кодкө вундiс, кодкө камгис-кучкалис зубилö.

Пыди вежөсьсь петис пöрысиник морт да öчкисö лэптыломөн видзөдлис стенин öшалан часи вылö.

— Э-э, вит час нин,— шуыштис сийö аслыс. Тайö вöли старшой механик, Иван Кузьмич. Базайн сийöс прöстö Кузьмичөн шуоны.

Кузьмич век медбөръяөн муно мастерскойысь. Мунтөдзис гөгөр кытшовтас, төждысян синъясөн ставсö прöверитас, вунөдомаось кө идравны кутшөмкө инструмент—копрөдлыштас юрнас да нуас места вылас, сэсся пасьтасяс, кусодас бияс да вöлисти петас игнавны. Тадзи быд лун.

Иван Кузьмичёс базаын ставныс төдөны, да и не сөмын базаын. Любөй морт сиктын ошкыштас тиянлы сийёс. А пионерьяслөн, кор кыласны Кузьмич йылысь юалом, синныс долыда өзъяс.

— Дядя Ваняёс?—чуймыштөмөн шуасны найё.— Коді нё сийёс оз төд?..

Томан ли, пишаль ли кодлөнкө жугалас, мөдлаё оз нин ну, а Кузьмич дорё шыасяс. Ковмас кө споятны письтөм ведра, либё көрт пач дзоньталыштны— бара жё Кузьмич ордё нуоны. А мукөддырйи колхозлөн кутшөмкө машина торкяс, да сэк быть нин сы дорё шыасьны. И быдөнлы сийё аддзё кад, некодлы оз өткажит. Сэтшөм нин бур сьөлөма сийё. А торйөн нин радейтё пионерьясёс. Прөст лунё накөд и ноксьё. Кымынкө пурт ныждылісны нин сылысь, кымынкө писькөдчан чеглісны жё нин челядь.

— Ак, ёлки зелёные!—сэки шуыштас Кузьмич да дивитөмөн копрөдлыштас юрнас.—Тадзи өмөй ме велөді тиянёс? Орөданныд ті менё, эк-эк-эк... Но да ладнө, кызкө мыйкө выльёс ньөбам.—И посни слесарьяс төдөны, мый Кузьмич абу скөрмөма на вылө. Зато юалөй любөй пионерлысь, кызди уджалө трактор, кызди вөчөма динамо-мотор, юалөй электричество йылысь,—ставсё стөча висьталасны тиянлы. Кузьмич локтөмсянь куим кодь гажаджык лои олөмыс челядьлөн. Асвөчөм автомобильяс, самолётъяс, пароходъяс, быдсяма жбырганъяс—но мыйсё эз велөд вөчны Кузьмич!

А Кузьмич уджалө важөн кодь нин, база лоан медводдза лунъяссиянь. Абу сылөн гөтыр ни челядь. Вөвлөмаёсь жё эськө, да война мунан воясё кувсьөмаёсь ставныс. Первой тшыгъялөм, а сэссия тиф висьөм өти бөрся мөдөс нуис, И коли Кузьмич өтнас. Сы вөсна, гашкө, сэтшөма и радейтё йөзлысь челядьтө да.

Пөрысьлань нин катовтөдіс Кузьмичёс. Ветлөдлө мышкыртчыштөмөн, быттё арлыдъясыс личкөны пель-

помъясас, ки кучикыс чукурӧсь, сӧнъясыс быдӧн ви-  
зӧн-визӧн тӧдчӧны. Вомкӧтшъясыс увлань ӧшйыш-  
тӧмны нин, нырыс ёсьмыштӧма и. Сӧмын синъясыс  
пыр на зэв томӧсь, некор наын оз тыдав мудзӧм. Пӧ-  
рысиник мелі синъяс!

Вот и ӧні, кушмӧм юрпыдӧсас важиник кепка пук-  
тӧмӧн, вушйӧм бархатнӧй воротника пальтосӧ пась-  
талӧмӧн, сійӧ посныдика восьлалігтыр тэрмасьӧ сто-  
ловӧйӧ.

— Уна-ӧ, бара, йӧзыс сёйӧ? Мед эськӧ ог жӧ  
сёрмы,—мӧвпалігмоз аскӧдыс сёрнитӧ сійӧ, а бедьнас  
сӧмын йӧткыштчӧ да йӧткыштчӧ.

А тайӧ кадын клубӧ чукӧртчыны нин кутісны  
пионеръяс. Талун налӧн общӧй сбор. Водз да  
этшаӧнӧсь на. Сӧмын базаын олысьяс на кымынӧнкӧ  
локтӧмаӧсь, а сиктысь некод на абу.

Клубын гажа: плакатъяс, лозунгъяс, вождьяслӧн  
портретъяс. Унатор челядь киӧн гижӧма да рисуйтӧ-  
ма, А пӧтӧлӧк бердын, матӧвӧй абажуръяс сайын ӧз-  
йӧны электрической лампочкаяс да небыд югӧрӧн юг-  
дӧдӧны быд пельӧс.

Тані ставыс эм, мый вӧчӧма челядьӧн Кузьмич  
веськӧдлӧм улын. Сунисъяс йылын, бордъяснысӧ  
паськӧдӧмӧн, ӧшалӧны посныдик самолётъяс, быттьӧ  
збыльысь лэбзӧны Войвыв полусӧ. Пельӧсын, пызан  
вылын, сулалӧ асвӧчӧм мотор. Сӧмын включит ток, и  
кутас жургыны сійӧ... Со и танк сулалӧ—грознӧя чур-  
видзӧны дулояс, быттьӧ быд звук дасьӧсь восьтыны  
би. Мый эм медбурыс налӧн, ставсӧ вайӧмаӧсь че-  
лядь.

Пыр унджыкӧн и унджыкӧн чукӧрмӧны пионеръ-  
яс. Ставныс гӧрд галстукаӧсь, чистой паськӧмаӧсь,  
долыд синьясаӧсь. Юргӧ челядьлӧн сӧстӧм сёрни да  
серам. Найӧ гортынӧсь кодь тані, асьныс кӧзяева.

Со и вожатӧй Шудова Василиса локтіс. Челядьяс  
гузь котӧртісны сы дорӧ да салютуйтісны. Сэсся мӧ-

да-мөдөс соромон кутисны юасыны, сёрнитодны. Быдөн ассыс мыйкө тэрмасьö висьтавны.

Василиса тшөтш жө гөрд галстука, еджыд ковтаа, морөс вылас „КИМ“ значок. Неуна кө эськө вөлі ичөтджык тушаыс, позис чайтны пионеркаөн.

— А дядя Ваня?—артельөн юасисны сылысь челядь.

— Локтас, локтас,—ньюмялөмөн вочавидзис налы вожатой.—Сийө кө көсийысис, локтас нин. Неуна водзджык на, а ми өд шулім заводитны вит часын.


Вит час вичысигмоз пионерьяс кутисны сывны да ворсны. Лым еджыд дөрөма, гөрд галстука да сәтшөм жө алөй гөрд чужөмбаньяса детинка мастера зэв гудөкасис. Аслас муртса и тыдыштө юрыс гудөк сайсыс, а ворсө сідзи, быттө медводдза лунсяныыс куш гудөкасьөм вылын и олөма. Тэрыба котралөны посни чуньясыс гудөк кизьяс вывті, а на улысь, мөда-мөдөс вөтөдөмөн, киссьөны эзысь шыяс.

— Дядя Ваня!.. Дядя Ваня!..—друг котөрөн пырис да юөртис өти пионерка. Сьылөм лөнис. Ставөн челядьяс долыда уськөдчисны өдзөс дорө. Эз на удит Кузьмич воськовтны порог вомөн, өти босьтис сылысь бедьсө, мөд—кепкасө, куимөн кымын отсалисны пөрччыны пальтосө да төвзьөдісны-нуисны кытчөкө; гөгөрбок кытшалөмөн, кыкнан киас кутчысьөмөн, нуөдісны гөстьөс да пуксьөдісны. Первойсө сийө дзик пельтөммыліс моз, эз куж кодлысь мый кывзыны. Öтиөс малыштас юрөдыс, мөдөс лапкөдыштас пельпомөдыс, коймөдөс—медся ичөтсө—пуксьөдлас пидзөс вылас, да бурысь ропкөмөн шуалө:

— Но, но; пельтөммөдінныд старикөс... Энө ставныд, энө ставныд өттшөтш, а то ме бөр пышья.

— Он пышйы, дядя Ваня. Ми өд ог лэдзө,—долыда сералисны челядь.

— Сідзкө, лэдзөй лолыштны,—тшөтш жө сералис Кузьмич.



*Кузьмичлөн синъясас помтём долыдлун.*

Кузьмичлөн синъясас помтём долыдлун. И сийö чувствуйтö ачыс, мый пöрысьмыштöм сьёлöмыс сэтшöма чеччö оз мудзöмлаыс, а видзвывса уна сикас рöма дзоридзьяс кодь тайö синъяссö ас гөгöрсьыс адзöмла. Сы вöсна сьёлöм вылас вöли кокныйд да личыд. Вермис кö эськö, ставнысö пуксьöдалис пидзöс вылас, да öд дзонь отрядтö, буракö, он тöрöд.

Кор челядьяслөн визувлуныс неуна лöньыштіс, Шудова киасис Кузьмичкöд.

— Позьö заводитны?—нюмъялігтыр сийö яуліс механиклысь.

— Заводитö, заводитö,—меліа сы вылö видзöдöмөн вочавидзис Кузьмич.

Челядьяс пуксялісны, общöй сбор заводитчис.

— Ми, пионерьяс, велöдім виль Сталинскöй Конституция,—пызандорсянь сёрнитіс Шудова да долыд

синъясөн видзөдіс орччөн-орччөн пуксялём чистой паськёма, гөрд галстукъяса челядь вылө.—Медым эськө лои гөгөрвоанаджык миянлы, кутшөм гырысь вермөмъяс йылысь гижөма Сталинскөй Конституцияө, ми талун кывзам важ рабочөйлысь, Иван Кузьмичлысь, дядя Ванялысь, висьтсө. Ті, пионеръяс, чужлиныд революция бөрын некымын во мысти. Важ олөмсө, важ пöрадөкъяссө ті энө төдлөй. А дядя Ваня, важся большевик, аслас нэмсьыс джынсьыс унджык оліс важ царскөй строй дырйи, унатор аддзыліс, унатор ас мышку вылас кыскис... Кыв сетам Иван Кузьмичлы.

Пионеръяслөн аплодисментъяс юрөбтісны комната тырөн. Кузьмич кокниа сувтіс да, дзормыны заводитөм ус пытшкас нюмсө дзөбөмөн, муніс пызан дөрө.

Аплодисментъяс дыр на юргисны. Кузьмич сулаліс юрсө лэдзөмөн, ус помсө вомас курччөмөн. Сійө мөвпаліс—кызди эськө заводитны, мыйсянджык? Окота вөлі прөстөй кывъясөн, челядьлы гөгөрвоана кывъясөн висьтавыны, петкөдлыны Сталинскөй Конституциялысь став ыждадалунсө. И өні полыштіс, мый оз арты висьталөмыс.

—Меным зэв нимкодь тіян вылө видзөдны,—заводитіс Кузьмич, кор челядьяс ланьтісны.—Ті оланьыд гажа да шуда кадө. Со, тіян асланыд клуб, асланыд вожатөй, быдманныд дзоньвидзаөсь, пөтөсь, гажаөсь. Тіянлы нинөм повны аския лунысь. Ті зэв бура төданныд—Сталинскөй Конституция миянлы, советскөй гражданагы, гарантируйтө удж вылө право, образование вылө право, шөйччөм вылө право. Но эз тадзи вөв важөн, миян томдырйи,—Кузьмич ланьтыштліс, нуөдіс синъяссө челядь юръяс вывті да кыскис зөпсьыс каллянсө. Но сэн жө казяліс асьыс ыла-лөмсө да, ас вылас дивуйтчөмөн юрсө копрөдлігтыр, бөр дзөбис.

— Да, посни пиян, эз тадз вѳв важѳн,—мѳвпъяс-сѳ чукѳртигмозыс тѳдчѳдіс Кузьмич.—Ме—уральскѳй заводса рабочѳй. Коркѳ нѳшта ичѳт дырйи на ме кывлі батьсянь со кутшѳмтор... Тйяны кажитчас тешкодѳн, но тайѳ дзик збыль. Уральскѳй рабочѳйяслѳн пѳльясыс вѳлѳмаѳсь крепостнѳйясѳн. Налѳн кѳзяиныс—помещик—радейтлѳма картѳѳн ворсны. Ѳтпыр сйѳ скон вылѳ сувтѳдѳма крепостнѳй крестьянасѳ дай ворссьѳма. Тайѳ крестьяналѳн выль кѳзяинныс вайѳдіс ставнысѳ уральскѳй заводѳ уджавны. Вот тйяны важ олѳмысь ѳти серпас. Аддзанныд, вѳлі эз сѳки уджалысь йѳзлѳн кутшѳмкѳ правояс? Крепостнѳйясѳс не сѳмын картѳѳн ворссьылісны помещкъяс, но и вежлавлісны понъяс вылѳ, вузавлісны, весиг виавлісны суд-радтѳг. Ме ещѳ помнита татшѳм висът, батьсянь,—Кузьмич лѳсьѳдыштіс кинас усъяс-сѳ да здук-мѳд чѳволыштѳм бѳрын кутіс водзѳ висътавны.—Ѳти рабочѳйлѳн вѳлѳма томиник ныв; мича, лѳсьыд. Ѳтпыр заводчик ордѳ локтѳма гѳститны купеч. Мый найѳ сѳк вѳчѳмаѳсь, кыдзи гѳститѳмаѳсь, ме ог тѳд. Кадыс вѳлѳма гѳжѳм, вой нин. Мудзѳм йѳзыд ставыс нин узѳны, а заводчик керкаын шумыс пѳ стомстоя. Сѳсся корасны сйѳ нывтѳ. Купеч видлалас гѳгѳрбок да и шуас заводчикыслы:

— Лѳсьыдкодъ пѳ. Давай вежсям баш-на-баш: тѳ тайѳс, а ме ассъым ружъѳс: немецкѳй мастерлѳн.

Нылыд кор кылас татшѳм сѳрнинысѳ, кельдѳдас лым кодѳѳдз, горѳдас да усъкѳдчас ывлаѳ, батыс дорѳ. Мый сѳн водзѳ вѳлі, ме ог нин помнит. Висъталѳны сѳмын, кор купечыс локтас аски нывсѳ нуны, батыс зырѳдас сы вылѳ. Дерт, буртор таысь нывлы эз ло. Заводчик тшѳктѳма босътны сйѳс, нуѳдны вѳрѳ, пѳрчѳѳдны да куш яйнас пуксъѳдны кодзувкот поз вылѳ, пу бердѳ топыда кѳрталѳмѳн. Важѳн тайѳ вѳлѳма, оз ѳд прѳста помнитны йѳзыс. Войбыд пѳ, дай мѳд луннас на горзѳма коньѳр ныв. Лѳк горшѳн

горзö, кевмысьö, но некод абу и лысьтöма мездыны. Сидз и кулöма сэтчö; кушöдз вильöдöмаöсь... Ставыс тайö збыль. Ме тайон көсьи петкөдлыны тияны, ичöt пиян, кутшöм сьöкыд вöли важон овны уджалысь йöзлы. Öнi мян Сталинскöй Конституцияын гижöма—мортос мортон эксплуатируйтöм век кезлö бырöдöма. Сийö шуштöм кадыс, код йылысь ме висьталi тияны, некор нин оз бергöдчы. Тиян югыд да сöстöм олöмныд. Но вот босьтам нöшта образование вылö право. Тани ме ас йылысь нин сёрнитышта.

Кузьмич нюммуныштöмөн видзöдлис челядь вылö. Найö пукалисны чöв, сюся кывзисны. Чужöмбанъясаныс ворсöдчис вир, став синъяс видзöдисны сы вылö.

— Кызди ме велöдчи?—ассыс юалис Кузьмич.— Тi вот школаын велöдчанныд. А меным эз усьлы сэтшöм шудыд. Ме велöдчи заводын, мастер кабыръяс улын. Яй век вöли лöз, юрси кучик эз дугдыв доймöмысь. Мукöддырйи кузь лунтыртö кокйылад олöмысь сэтшöма лигышмунан, он и тöдлы, кызди вугыртан. А сэтчö тэнö мастерад и тшапкас юрсиöдыд, да ешö тшöктас кыкысь кымын бергöдчыны. Синвайд петö эськö, да он небось бöрд, он норась ни. Помнита татшöмтор. Ме ыджыдкодь нин вöли, отсаси формовщиклы. Уджыс сэтшöм: лыаысь вöчан форма, сэтчö сэсся кисьтасны сыв чугун. Но вот, öтпыр ми вöли вöчам формасö. Локтис мастер, видзöдлис да кыв шутöг чужйис мянлысь уджnymöс; тыдалö, эз кажитчы. Менам ыджыд ёрт и скöрмис—тшыг вöли сийö, мудзöма пон моз. Кутис мастертö киöдыс да тiралан вомдоръясөн юалис: „Мыйла пö“? А мöдыс сöмын югнитис синнас да шуис: „Выльысь вöчöй“. И кутис мунны. Мöдыс бара сувтöдис. Сэки мастер крута бергöдчис да кучкис чужöмас. А тайö здукнас на дортi буретш вöли нуöны сыв чугун. Менам ёртыд и уси, да веськыда сыв чугун көш вылад. Мый сэн вöли, страк думыштнысö öнi. Веськыда ловъяывысьыс сот-

чис мортыд. Но, дерт, рабочёйяс таысь кутісны шумитны, топёдісны мастерёс. И ме тщётш... А лун-мёд мысти кодсюрёос лэччөдісны острогө, менө вөтлісны удж вылысь. Вот татшөм ногөн ме велөдчылі да перыйлі кынөмпөт. Помнита ещө и татшөмтор...

Тайө рытө төдлытөг өдйө муніс пионерьяслөн общөй сбор. Унатор Кузьмич висьтавліс налы ас өлөм йылысь, заводын уджалөмсө, царскөй острогын пукавлөмсө, сэсся германскөй война вылө ветлөм, гражданскөй война би пыр мунөмсө. Олөмыс сылөн озыр, көть войбыд висьталас—помыс оз во.

И ачыс Кузьмич, кор помасис общөй сбор, долыд сьөлөмөн пукаліс челядыяс пөвсын да дзорман усьяссө шыльөдөмөн видзөдіс пионерьяслысь гажөдчөм. Найө, видзвывса бобувьяс моз, лэбалісны-йөктісны, сьылісны гажа колипкайяс моз, дзольгисны-сералісны вөсныдик эзысь гөлөсьясөн.

Сылы вөлі нимкодь видзөдны тайө быдмысь сменайс вылө.

## ЗВОНОК ВОДЗВЫЛЫН

Тайё асылё шондіыс кӧть и эз нин гоҗся моз пӧдты жарнас, но кыпӧдчис дзирдалана югыд. Небыд тӧвру пӧльтіс зарниасян няньяса колхозной муяс вылысь да разӧдіс кыськӧ ылі сёртъясысь вайӧм сэтӧр дук. Вылын, вылын лӧзалан енэҗас кывтісны ру ёкмыльяс кодь посныдик кымӧрторъяс. Воздух вӧлі ыркыд да сэтшӧм сӧдз, мый гӧгӧрбок ылысь мичаа ставыс тыдаліс. Татшӧмӧн локтіс сентябрь тӧлысь.

Тайё асылё ставыс быттьӧ лолаліс кокниа да кыпыда. И челядыас, кодъяс мукӧдлунъя серти талун садьмисны водзджык, долыда тӧльӧдчисны гортаныс, тэрмасисны мыссыны, пасьтасыны, да сёйыштны. То ӧтилаын, то мӧдлаын ывла вылын кыліс нин налӧн лэчыд гӧлӧсныс. Коді сумкаа, коді нейджыд портфеля, коді мыш саяс мичаник ранеца—ставныс котӧртісны школалань.

Урокъяс заводитчытӧдз ёна на водз найӧ кутісны чукӧртчыны школа дорӧ, кодӧс вӧлі гажӧдӧма плакатъясӧн да лозунгъясӧн. Челядь сёрни-серамысь лыбан гажа зыкыс ылӧдз юргис асья сынӧдын, и батьмамъяс нюмъялігыр сёрнитісны:



*Володя старатливѣя рисуєтє альбомѣ урпѣс.*

— Со өд радныс! Вескыда бордъяс вылын моз лэбалёны талун.

А челядылы збыль вөлі рад. Талун налөн заводит-чө выль велөдчан во. Кыдзи нө не радлыны, кор бара, со, чукөртчисны өтлаө, өти вевт улө!

Школа гөгөр лөсыда пелькөдөма, весалөма, туйсө чав лыаөн киськалөма. Школа садйын пуясыс пашкырөсь, вежөсь,—эз на удит найөс чишкавны арся пужйис. Воробейяс, кодъяс быттьө тшөтш радлісны челядь локтөмлы, жбыръялісны пуусь пуө, чирксісны быд ув костын. И челядыяс тшөтш котралісны школа дорын, садйын, туй вылын, ворсісны мачөн, сыркіөн.

Сад пыді пельөсын, пашкыр кыз улын пукалісны куим друг—Вася, Витя да Володя. Васялөн пельпом вылас куткырвидзис ёсь ныра, паськыд бөжа гөрд урпи. Сійө гөгөрбок бергөдліс юрсө да чуймөмөн видзөдіс та мында челядь вылө. Урписө вөлі көвйөн шыркнитөма кынөмувтйис. Көвлысь помсө Вася кутіс киас. Но урпи эз и лөсьөдчы пышйыны. Сійө то бөр-кокъяс вылас сувтөмөн мыськис-ниртіс нырсө водз лапаяснас, то гуджгис сакартор, кодөс ньөти повтөг босьтліс Вася кнысь.

— Эңлы, Вася, дзирнясь,—өлөдліс ёртсө гөгрөс чужөма Володя, кодлөн шырөм юр вылас вөлі узорчатөй тубетейка. Му вылө пидзөснас лэччысьмөмөн, сійө старатливөя рисуйтіс альбомө урпиөс.

— Час, ещө өти здук... Артмыны нин көсйө. Час, юрсө ещө...—карандашөн бумага кузя визьйөдлігтыр долис Володя.

— Пельсө чинтышт: көчлөн кодьөсь тэнад, а сылөн со пелькиникөсь,—вөсньыдик гөлөснас торгис Витя, еджгов юрсиа детинка, коді вөлі сулалө Володя мышкын. Сійө сэтшөм сюся вөтлысис синнас Володя карандаш бөрся, сэтшөма окотитіс, медым урпиис бумага вылын артмис ловъя кодь жө, весиг кывйывсө легөдыштис вом көтшөдыс.

— Бөрти Анна Семеновналы сетам,— дөжныштис Вася вөрзёдчытөг, медым не торкны Володялысь рисуноксө, коді вөлі „артмыны нин көсйө“.

— Школаын и кутам видзны, живөй уголокын,— содтис сйө,

— А верднысө?

— Асьным кутам. Тайө өд тшак да коль радейтө.

— О, кольтө ме зөбняөн вая сылы,— кывнас шлоч керис Витя.

— А кызди курччис менө сэки!— синъяссө паськөдыштөмөн Вася кутис висътавны урпиос кутөм йылысь.— Сйө өтарас потшөс кузя котөртлас— ме сы бөрся, сйө мөдарас— ме сы бөрся. Сэсся чеччыштис муө да көсйис лыйыштны, а ме дай сап-сарап!

— Курччис?— юалис Витя, көть эськө кывлис нин та йылысь висътсө.

— А-га... Швичнитис сөмын. Кымын лун нин коли, а со на туйыс.

Челядь варова торгисны-сёрнитисны, коді кызди коллялис гожөм, кымынысь лун купайтчылисны, кызди ветлывлісны вотчыны, вуграсьны.

— А ме со кызди гожъялі,— дөрөм соссө пуджөмөн петкөдліс Витя.— Аслам градйөрын пыр нокси. Менам сэн быдторсө пунктөма: морковь-и, сёркни-и, петрушка-и... Волөй коркө, петкөдла, кызди тыква вылын огурцы ме быдті. Он веритө?

— А төндзи менам кыснанасигөн эстшөм ёкыш кутчысис,— кияснас петкөдліс Вася.— Кыска— оз лок, эсідзи и тракйысьө!..

— Энлы бергав, Вася. Ещө өти здук...— кевмысис ичөт художник.

— Тырмас нин, мөдысь эштөдан,— чеччис Вася.

— Нолтө петкөдлы альбомтө.

Кум друг копыртчисны альбом весьтө да кутисны видлавын сйөс.

— Тайос вот лагерьн олігөн рисуиті,—чуньнас индіс акварельной видок выло Володя. Сэтчө вөлі югыд рөмъясөн рисуитөма ю, палаткаяс, мачта йылын флаг, код дорын стройөн сулалісны пионерьяс.

— А тайос рисуиті колхозной видз выло ветлігөн,—мөд рисунок петкөдлігтыр шуис Володя. Тани вөлі рисуитөма пуктысьом: машинаясөн ытшкөм да куртөм; челядьяс, вөвьяс выло пуксьөмөн, кыскалісны юрьяс; некымын колхозник чөвтисны дас кык чалькоста зорөд.

Витялы медясө сьөлөм вылас воисны рисуитөм пуктасьяс: лук, сёркни, кушман, картопель. Тайяс вөлі збылысь лөсьыда артмөмны.

— Володь, волы коркө менсьым тыква вылысь огурцысө рисуитны,— дөжныштис сійө.

— У-гу, вола,—көсйысис Володя.—Ме өд век сьөрысь кыскала тетрадь и карандаш. Мыйкө кажитчас да пукся и рисуита. А гортын сэсся шыльөда. Вот кор лоас школьной выставка, сэтчө и сета альбомөс.

— А ме кольк коллекция сета,—ошйысьыштис Вася.—Менам уна лэбачлысь нин чукөртөма: гулюлысь, катшалысь, сырчиклысь, уткалысь... Пытшкөссө шыбыта, а кышсө косьта да вата выло көрөбкаө пукта. Вот көклысь да варышлысь корси да эз сюр,—жалпырысь ышловзис сійө...

Куим ёрт самой өддзөмөн вөлі сёрнитөны, но друг кыліс звонок. Гажа зыкөн школьникьяс пырисны школаө, накөд тшөтш и Вася, Витя да Володя. Ывлыв тыртөммис и лөнис, сөмын воробейяс важ моз чиркисны, да дзирдаліс вылысянь шонді.

Восьса өшиньяс пыр школаын тыдалісны партаяс сайө пуксьөм челядьяс. Заводитчис выль велөдчан во...

## УЧИТЕЛЬ

Вовкалөн бабушкаыс—Марья Петровна—пукаліс пызан сайын да зіля гижис письменнӧй удж. Ачыс Вовка, гижӧмлысь помасьӧмсӧ виччысиг, сулаліс восьса ӧшинь дорын да видзӧдіс дзирдалысь льӧм куст вылӧ, кыдзи сәні шуксисны мазіяс, мед шонді саявтӧдз нӧшта ӧтиысь нуны ма колхознӧй улейӧ.

Петровна лыбӧдыштіс еджыд чышъяна юрсӧ да шыасис:

— Тэ, Вовка, менам гижигкості мун гуляйтышт. Бӧрынджык пыравлан—прӧверитан. Позьӧ и аски прӧверитны...

Вовка бергӧдчис бабушкаыслань, видзӧдліс сійӧ гождьялӧм чужӧм вылӧ. И сэк жӧ тайӧ ласков чужӧм вывсьыс, синдоръясса чуқыръяс пӧвсьыс Вовкалы тыдыштіс сэтшӧмтор, коді чужтіс эскытӧмлун. „Сійӧ кӧсйӧ мыйӧнкӧ ылӧдны менӧ“,—первой думыштіс Вовка, а сәсса косапырысь шуис:

— Тэ бур талун, бабушка... но меным мунны оз позь. Менам эз помась занятие.

Марья Петровна воча шуны нинӧм эз куж да копъртчис гижны.

Вовка пуктіс кияссӧ мышкас да мӧдіс ветлӧдлыны джодждӧ. Сылы окота ставсӧ вӧчны сідзи, кыдзи вӧчӧ налӧн учительыс—Петр Борисович. Но Вовкалӧн



*Вовка пуктис кияссö мышкас да мөдiс ветлөдлыны  
джоджөд.*

тайö артмис аслысногаджык. Кокъясас тяпиторъяса, дженьыд гача, кушөдз шырөм юра детинка татшөм ногөн асьсö кутөмысь öнi кажитчис нето гордöй-кодьөн, нето серам петкөдлысьөн.

Сийö сэссия сувтыштлис джодж шөрö, быттьö мыйкö кöсийис уськөдны төдвылас, да матыстчис бабушка-ыс дiнö, сийö мышсайсянь видзөдлис сыөн гижөм вылө.

— Морт нимъяс гижсьöны ыджыд буквасянь,—ко-сапырысь шуис Вовка.

— Ме тайöс бура нин тöда,—вочавидзис Петровна.

— А тайö мый?

Марья Петровна мыжа школьник моз вөрзьөдчыштис места вылас. Удж вöсна чорзыштөм киясыс здук кезлө лолисны лишнöйкодьөн.

— Тайöс, шуан?—Вовка вылө видзөдлытөг шуис да сэк жö содтис:—Да, да... Тайö öшыбка... Кор тэ

видзодан менам гижом выло, сэк ме дзугся, сэк мено  
важас кыско, и ме вунода, мый мортлон нимыс гиж-  
сьо ыджыд буквасянь.

— Эн дорйысь, бабушка,—аслас серьёзность йы-  
лысь вунодтог, сэтшөма жө косапырысь шуис Вов-  
ка.—Колө асвыладжык эскыны. Тэ абу нин том.

Тайо кывъясысь Петровналы лои забедно: сы вы-  
лын козяито челядь.

— Пöрысь йöзыдкөд колө сёрнитны ласкова-  
джык,—шуис сийо. А Вовка сылы воча:

— Ласковитам занятие помасьом бöрын. Сэки тэ  
верман шыльдны менсьым юрос, верман вурьштны  
гач динө кизь... А öни ме тэнад велодысь. Тэ вöсна  
ме кывкута.

Петровна довкнитис юрнас. Сийо чужом вылын  
ворсыштитис нюм, но, Вовкалань бергодчиг, тайо нюмсо  
нарошно дзебис.

— Вот мый, дона пийо: ас сертиыд тэ мено эн  
донъяв. Тиянос велодны öни заводитоны мам нень  
динсьыд торийодан лунъяссяньыд, а ми быдмылим...

— Эн дорйысь, бабушка. Тайос ми бура тодам.  
Сэтшөм нин нэмыс миян.

— Кысь нө венан тэнö...

— И эн вензы. Ми тани абу юкмос дорын бабаяс...  
Вай лыдды, мыйон помалома сочинението.

Марья Петровна сьокыда ышловзис, чукурөсь кы-  
мос вывсьыс чышъян помнас чышкыштитис пөсьсо да  
заводитис лыддыны. Лыддьомыс вöли дзолялон кодь,  
морт оломас сомын на пырысьлон кодь.

„Ещё ме гижа: öни ми, малограмотной колхозни-  
цаяс, шумо лоны грамотнойясон. Бригадирьяс мия-  
нос лэдзöны удж вылысь кык час водзджык лункост  
мысть. Велодчыны сьокыд. Мено велодо Вовка. Но  
сийо неуна...“

Тайо кывьяс бöрын Марья Петровна тшөкмуныш-  
титис, а Вовкалон нимкодъысь югнитисны синъясыс.

„А-а!— думыштіс сійö.—Со кöні сылöн вöлöма гусяторыс“. Сэссия явö нин содтіс:

— Меысь эн пов. Лыдды ставсö, мый гижöма. Колö лоны веськыдöн, честнöйöн.

Марья Петровналы воштысьны некытчö.

— Толькö тэ, Вовка, эн лөгась. Ме öд сідзи... юрö воис и гижи.

— Эн дорйысь. Менö тэд лөгöдлытöм лоö. Лыдды. Петровна кызöктыштіс да мöдіс шуавны, а эз лыддыны.

„... Мися, велöдö, Вовка. Но сійö мян неуна стрöгджык. И мед стрөг кö. Сійö стрöглун вылö ме ог лөгась. Кымын стрөгджыка велöдö, сымын югдöны менам синъяс. Öнi быдтор нин аддза...“

Вовка зiля видзöдіс бабушкаыслы чужöмас да вочасöн скöрмыштіс.

— Тэ, тыдалö, менö челядöн на лыддян?

— Ладнö, ладнö... Со и эн лөгась.

— Ме лөгаси?

— Вот тай... Коді нö сэссия? Но ладнö. Мöда лыддыны водзö. „Ми ставöн ордйысям. Ме ордйыся кык пöв: удж кузя дай велöдчöм кузя. Вовкалöн мамыс ордйысьö кык пöв жö. Сійöс велöдö ыджыдджык грамотаö учитель Петр Борисович. Тайö Петр Борисовичыс олö на ордын квартираын. Вовкалöн батыс, шуöны, кöсйö локны уджавны татчö, Комиö. Таняöс мянлысь ошкöны. Асьсö вöлі рисуйтöмаöсь газетö, а улиас гижöмаöсь—сійö пö медбур трактористка. Ещö ме гижа: мяннын нель тöлысь нин олö квартирант Машов Коля. Сійö агроном, зэв бур морт, сёрнитчö гöтрасьны Таня вылад. Мый тэ шуан?

— Но и свободнöй сочинение тэнад!—шензыштіс Вовка.—Письмö тай гижöмыд, а абу сочинение.

Сöмын öнi Марья Петровна паськыда нюммунис.

— Письмöыс öд сочинение жö. Свободнöй письмö тайö менам! Аслам пины, лётчиклы, Шуралы гижи!

— Дядя Шуралы?—юалис Вовка да первойысь на нюммунис.—Мыйла водзджык эн висътав. Ме эськӧ тэныд отсышти.

— Отсышти, шуан,—паныдаліс Вовкаӧс бабушкаыс, а ачыс чужӧмсӧ нарошнӧ стрӧгджыка вӧчис.—Ок, тэ, учитель. Кутшӧм нӧ велӧдысь отсавлӧ велӧдчысьлы сочинениесӧ гижны.

Век нюммунома, Вовка видзӧдіс бабушкаыслы чужӧмас, быттӧ тӧдмаліс, шуткаӧн али збыльысь вӧлі шуӧма кывъяссӧ, и кор аддзис, мый бабушкаыс муртса вермӧ кутны ассьыс серамсӧ, сэк ачыс серӧктіс.

— Вот мый, бабушка: тэ, всѣ-таки, помас гижышт мясянь пионерскӧй привет. А сы бӧрын тшӧкты дядя Шуралы ыстыны отметка тэнад письмӧ сочинениеыд вылӧ и менам велӧдӧм вылӧ.

— Гижа, гижа, муса пи!—шуис Марья Петровна, а аслыс окота кутлыны Вовкаӧс, шылькнитны сійӧс юрӧдыс. Но ӧд сійӧ ӧні абу нин Вовка-балун, а Вовка-учитель, и лӧсьыд-ӧ лоӧ важмозыс шылькнитны сійӧс юрӧдыс? Оз, тадзи сійӧ ӧні оз вӧч. Сійӧ кызкӧ мӧдног ошкыштас.

— Сѣ пасибӧ тэныд менӧ велӧдӧмысь. Батьыд локтас да ӧна и лоӧ ошкыны тэнӧ. Сійӧ ӧд, батьыд тэнад, код тӧдас кутшӧм учѣнӧй нин ӧні: кымын во велӧдчис да практикуйтчис, весиг гортсӧ, мяняӧс видзӧдлыны эз вермы волены.

— Тэ, бабушка, век тадзи,—серӧктіс Вовка.—Кор мейсь окота мынтӧдчыны, сѣки и заводитан ошкыны менӧ, мед ме ӧдйӧнджык муна тэ дінысь.

— Со ӧд тэ кутшӧм!—мӧдліс дорйысьны Петровна, но Вовка вӧлі кухня ӧдзӧс дінын нин.

— Муна, бабушка, муна. Бур рыт тэныд! Аддзысьлытӧдз!

Кыліс сѣсся, кызди Вовка котӧртіс посводзӧд, петіс ӧшинюлӧ, а Петровна копыртчис чукыльӧсь-мукыльӧсь строчкаяса бумага лист водзӧ.

## ВАДОРЫН

Кыдзкө тай дыр оз вунны ичөтдырся лолөмторъ-  
ясыд, век быттьө син водзад.

Помнита, өти гожөмө батьө медасис пур видзны  
дзик асланым сикт улө. Меным сөмын на вөлі дас  
нель арөс. Миян чомным, кытчө пыравльвлім зэръ-  
ясысь, сулаліс ва кывтчөс нюжөдчөм лыа бөжын, кы-  
сянь тыдаліс став видзан вөрыс. Отар лыа бокөдыс  
визувтіс Эжва юлөн сөдз ваыс, мөдарас—зіб судзлы-  
төм, пыдөстөм, лөнь куръя.

Гожся войясыд көть и шоньдөсь, чомйыс век жө  
көдзавлө. Асъя гөрд шонді петтөдзыд лоө лонгышт-  
ливны көрт пач. Войнас садьма вөлі, гөгөр шынитөв.  
Бать да „Герой“ көнкө пуръяс дорын кытшлалөны.

Тадзи лунъяс шывгисны-мунісны өти бөрся мөд.  
Сулаліс жар поводдя. Колхозникъяс тэрмасьөмөн  
пуктісны турун. Вой и лун помысь помө таргисны  
ытшкан машинаяс. Тшөтш и менам бать лунъяснас  
корсюрө ветывліс чөвтөмын отсыштны да зорөд  
йөръяс потшны.

Отпыр бать сідзжө муніс матысса видз вылө, а  
менө колис пуръяс видзны. Кутіс рытъяммыны. Шон-  
ді исковтіс увланьө, эз нин лунъя моз сот. Эжва

баграліс шонді югөръяс улын. Паськыд ю тырис видз  
вылысь воысь пыжаясөн. Колхозникъяслөн гажа, кы-  
пыд гөлөсъяс юргисны рытъя лөнъ ывла вылын. Ме-  
нам пельясөдз зэв бура воис сьыланкывлөн горыс:

„Менам рөдинаөй ёна паськыд,  
Уна вöрыс, юыс, му и луг.  
Мөд странаөс сэтшөмөс он аддзы,  
Кöни мортлөн татшөм ыджыд шуд...“

Шонді лэччис веськыд визьөн нюжалөм горизонт  
сайö. Пуксис рыт.

Ме дорын куйлö „Герой“ да легөдö бöжсö. Лөнъ.  
Сöмын көнкö ылын кылö ытшкан машиналөн таргö-  
мыс да сикт помланьын гудөклөн ворсөм.

Бать эз на во: тыдалö, чөвтөм бöрын эштöдiс зо-  
рöд йөр потшөм да сийөн сёрмөдчис.

Менам эз овсы чомйын, дай овнысö вöли оз позы:  
колö кытшовтны пуръяс гөгөр. Көрт пач ваймөдөм  
бöрын, картечөн зарадитөм берданкаөс босьтөмөн,  
петі чомйысь. „Герой“ вөтчис ме бөрся.

Водзылын сярвидзис куръя йылөдз кузя нюжа-  
лөм медбөръя некымын сюрс кубометр буксируйтөм  
вөр. Лун-лун виччысим пароходлысь воём. Плиткаяс  
костын шоньд ва веркөсын ворсiсны черияс.

„Герой“ котөртышталөмөн муніс водзын. Друг  
сийö саяліс шевгөдчөм вожъяса бадь куст сайö. Неу-  
на муныштөм бöрын ме бара сийөс аддзи: бөр кокъ-  
яс вылас зумыда мыджсьөмөн сийö видзөдiс водзö,  
быттьö көсийс йөткиштсьыны да ньөв моз лэбзыны.  
Ме өдздöдi воськолөс, тэрмаси матыстчыны пон дiнö.

Муртса на петі кустъяс пөвстысь, пыр жö аддзи  
мортöс, кодi вөртөшитчис шпальнөй плитка вылын.  
Бурджыка видзөдлөм бöрын гөгөрвои, мый сийö кат-  
тьö лөгость. Сэсса сийö босьтiс лөгость ёкмыльсö да  
плиткаысь плиткаö кытшлалөмөн, ромщинаяс кузя  
мунөмөн петіс берегö. Муö вои бöрын сийö видзөд-



*Муртса на петі кустъяс пѡвстысь, пыр жѡ аддзи мортѡс...*

ліс гөгөрбок да берег кузя муніс сывйыштны вермы-  
төм кызпу дінө. Плиткаяссянь сэтчө локтіс ён да  
кыз снасть. Аслас ёнлунөн сійө кутіс ваньылыд му-  
нөмысь некымын сюрс кубометр буксируйтөм вөр.

Ме гөгөрвои, мый көсйө вөчны тайө мортыс.  
Сійө некодөс аддытөг, матыстчис пу дорө да бось-  
тіс чер.

— „Герой“, босьт, босьт!—горөді ме. Сійө морт  
эз на сяммы гөгөрвоны, мый лоис, кыззи „Герой“  
луйыштіс сы дорө да сатшкысис ён пиньяснас.

— Он лысьт понйөс вөрзөдны—лыя!—сыланьө  
котөртігтыр горзі ме.

Кор сійө дугдіс водзсасыны, ме өлөді понйөс. Ме  
водзын сулаліс орчча сиктысь вөвлөм кошовник, ко-  
дөс сійө лунъясас вөлі вөтлөма колхозысь, кыззи  
дзесбьөм кулакөс. Сылөн көинлөн кодь виж бугыль-  
ясыс сатшкысисны ме вылө. Шөйөвошлөмысь асвьяс  
воөм мысти вөрзөдчис мелань. Ме горөді:

— Сулав. Эн вөрзьи!


Сэки сійө кутіс меліа сёрнитны, кевмысьны, ве-  
сиг уна сьөм көсйысис сетны меным. Но ме шуи во-  
ча сөмын кык кыв:

— Лэччам сиктө!

И вот сэки, төдлытөг, друг ош моз уськөдчис ме  
вылө да өти здукөн чабыртіс горшөд. Сөмын унйы-  
лысь моз нин кывлі понлысь эргөмсө да из кодь  
чорыд кулакъяслысь юр вылам усьөм...

Палялі берегын. Чурка вылө пуксьөмөн бать ку-  
тіс менө пидзөс вылас, малаліс кияснас да меліа чук-  
саліс нимнам. Ме видзөдлі гөгөрбок да аддзи менө  
джагөдысьөс: сійө сулаліс бөрө көрталөм кияса да лө-  
га видзөдіс мян вылө. Сысянь некымын воськов сайын  
куйліс менам понйөй да сюся кыйөдіс сылысь быд  
вөрзөдчөм.

Кутөм врагөс бать лэччөдіс сиктө.





Доныс 2 ш. 65 ур